

08

B

20)



Ex Bibliotheca
majori Coll. Rom.
Societ. Jesu

68.6.34
68 68
B B
39 42

6-26.F.31

DE
GENTE AQUAVIVA
ARAGONIA

DISSERTATIO

HISTORICA GENEALOGICA CHRONOLOGICA

ET

ORATIO PANEGYRICA

Ad Ill.^{mm} & Exc.^{mm} Principem

D. TROJANUM
AQUAVIVUM

ARCHIEPISCOPUM LARISSÆ

Sacro Palatio Præfectum

BALTHASARRIS STORACII

Presbyteri & Jurisconsulti Neapolitani,
in Romana Curia Causarum Patroni.

Bibliotheca

Coll. Rom.



Secr.

Sci. Agn.



ROMÆ excudebat Rocchus Bernabò MDCCXXXII.

PUBLICA AUCTORITATE.





Excellentissime Princeps.



*QUOD in more positum;
institutoque Sapientissi-
morum Virorum comparatum est, ut qui non
levitate quadam animi, sed certa meditata-
que destinatione ad negotium aliquod capef-
scendum feruntur, præsertim si in eo præcipuum*

* 2

di-



dignitatis momentum vertatur , ferme honestatem rei , ac magnitudinem expendere consueverint , propius ad veritatem accessit . Nam quod vulgo de commodis addi solet , Socraticæ , Stoicæque disputationes jam pridem repudiaverunt , nisi quod conducibile , atque honestum sit , nullamque in pravis , aut nullius momenti rebus utilitatem norunt . Ubi vero tanta vis sit honestatis , ut pene in ordinem coacta prudentia cultorem virtutis animum protrudat in res arduas , imo difficillimas non tam spe perpetrandi cæpta , quam amore rectitudinis , tunc ab hominibus , quorum acies ad naturam rerum penitus inspiciendam hebes , velut in cortice , & putaminibus obhæret , quod officium est , temeritas judicatur . Quin vulgus ipsum veri non ignarum magis , quam incuriosum prudentiam externis rebus metiri adsuetum , sæpius etiam stultitiæ nomen appegit . Id quo certius affirmare possem , meo exemplo edoctus sum . Quum enim sæpe alias de illustrioribus Italiæ familiis orationes comparaßem , nonnulli fortasse dolebant vicem meam , quod hominem forensibus studiis , ac clientum patrociniis
ad-

addictum rei literariæ laboribus absumi, piaculum fore existimarent. Excipiet enim atrox, & infame naufragiis pelagus, quod etiam si præter solitum sævire nolit, sola tamen nave possit enecare hominem maritimæ jactationi non adsuetum. Quod quam prævum sit, atque ineptum, quam a ratione, rerumque optimis æstimatoribus abhorrens, nemo non videt. Nam si quos in unaquaque Urbe sapientia decet excellere, ii profecto sunt Jurisconsulti, quibus & privatorum opes, atque existimatio, nonnumquam etiam totius Reipublicæ cura commendatur. Sapientes autem minime puerilis quædam literarum institutio, & forensis stude calliditas, sive exercitatio valet efficere, sed præter leges, atque instituta, philosophorum etiam præcepta, historiaque totius humanæ vitæ diuturna spectatrix. Quid vero de eloquentia dicam, quæ modo jurisprudentiæ adjuncta est? ut quæ olim in duo hominum genera dispersita fuerant juris peritia, & dicendi copia, nunc simul in uno jurisprudentis multum literis, ac probe subactò ingenio requirantur. Quod eruditorum omnium documenta, & paucitas eorum, qui

eloquentie laude floruerunt, abunde probaverit. Quo minus æquo animo ferendæ sint eorum objurgationes, qui male me egiſſe fortasſe clamarant, quod veluti deſerta jurisprudentia, quæ noſtra Sparta eſt, alienas provincias ſuſceperim exornandas. Nam Deum immortalem! in crimen forte adducar, quod diviſis lucubrationum temporibus, poſtquam jurisprudentiæ aſſatim ſatiſfecerim, in Philoſophiæ, meliorumque artium ſinum poſtea confugiam? Nonne ſuaves iſti ſunt, Princeps Excellentiffime, qui rei magnitudinem forenſis cauſantur, & tantam forenſium rerum molem, ac varietatem eſſe aiunt, ut quantum opera, atque ingenio contendatur, vix eorum ſtudiorum ſatagi poſſe affirmare non erubeſcant. Quid vero de Oratore dignius, aut ornatius dici poteſt, quam vires ſuas omnes intendere ad egregiorum principum exempla illuſtranda? Quid jucundius, atque antiquius eloquentie profeſſori, cujus tam late patet officium, accidere poteſt, quam in evolvendis vetuſtiſſimorum temporum rerum publicarum conſiliis, ea revocare iterum, atque illuſtrare ſtudeat, quæ

ma-

magis ad utilitatem populorum accesserint.

Quem autem alium majorem laboribus meis honorem præfigerem, aut qua illos majori dignitate, quam patria, & petita a Principibus suis insignirem? Occurrebant in assidua historiarum commentatione Principes viri quamplures, ad quos literarum hoc munus deferrem, nemo autem mihi, Princeps clarissime, familia tua fuit acceptior, aut jucundior. Ad quid enim ad illustrandam Italicæ gentis claritatem externos splendores arcessem, si maximi, ac prope singulares suppetunt domi? Vendicat enim patria, suo veluti jure, debitos sibi suorum ingeniorum partus, quemadmodum bona filiorum parentes, & servorum prolem vernaque domini.

Id igitur a Te, quasi jure debitum petere posse mihi videor, cum vetustatem, atque excellentiam tui generis in monumentis omnibus historiarum sparsam animadverterim; quæ tantopere patrios fines illustravit, & pari in posterum spe complevit. Grati igitur animi significatione, & virtutum ejus admiratione raptus historica dissertatione, ac pænegyrico prosequi conatus sum. Ut intelli-

gant

gant omnes, me in hoc præcipuam privati officii rationem habuisse, & ipsi, cujus sub auspiciis Patriæ dulcissimæ eductus, atque nutritus sum, fidum & obsequentem me ostensurum, in eamque, quam possim, benevolentiam in efferendis Principibus suis navaturum.

Cum vero præcipuum gentis tuæ decus Tumet ipse sis, Princeps optime, qui tuum non satis esse, quidquid ab aliis provenit, reputans, ita ab ineunte ætate te comparasti, ut potius ipse te posteris tuis præclarum nobilitatis auctorem præstares, quam majoribus heredem. Quid plane de judicio, fortitudine, liberalitate, magnificentia, omnibusque aliis egregiis animi tui artibus dicam? Quam multa, quamque eximia me prætere orationis prolixitas cogit. Quæ sparsim, quæque conjunctim ipse audiui, vel certe cognovi in Romani Principatus regimine pertractando a te mirifice expressa. Quid autem ad usum Reipublicæ expeditius, quid ad vim dignitatis efficacius excogitari potest, quam, quod a te Sacro Palatio Præfetto ad magnificentiam Romanæ Ecclesiæ vindicandam, majestatemque summi Pontificis exor-

nan-

nandam patratum est, laboratumque. Nunc in ista maturitate iudicii, mirifico virtutum omnium concentu, summo consilio, exacta prudentia, animi magnitudine, morumque æquabilitate adeo excellis, ut quamquam in lucem emitti modestia tua modo non sinat, non longe tamen abesse maiora dignitatis tuæ ornamenta patiamur, quibus Romanam Ecclesiam Majorum tuorum Purpuratorum Patrum exemplis, atque institutis, quæ propria gentis tuæ fuerunt, illustrare debeas. Quæ tantum absunt, quominus omnes deprecentur, ut potius nemo inveniatur, quin ea quanto citius meritorum tuorum famæ obventura pro certo habeat. Tum profecto gratulabunda Italia novos cum Ecclesia, Europaque universa plausus luculentius, ac pulchrius confundet, & in tanta gentium, ac linguarum varietate eadem, & mens una manifestabitur, quæ Te ornamentum familiæ tuæ, ac Romanæ Ecclesiæ propugnaculum, unum omnium præcipue colendum, atque observandum suscepit.

Tu interea, Princeps amplissime, qui mihi spem injecisti tibi hoc politioris litera-

tura

*turæ munus gratum futurum , meique patro-
cinium , quod jam dudum suscepisti , constan-
ter prosequere , atque hosce labores , quicum-
que sane sint , quique multis nominibus , Pa-
triæ præsertim inscribendi fuerunt , solita be-
nignitate complectere , ut quidquid valeant ,
valeant Tibi : Nil etenim nobilem , magnum-
que Principem magis decet , quam literarum ,
atque honestorum hominum tutela : Ego vero ,
qui omnia tua causa velle studui , ita nihil
ardentius cupiam necesse est , quam tuam , tuæ-
que familiæ æternam felicitatem , & glo-
riam . Vale . Romæ xvi . Kal . Martias
MDCCXXXII .*

*Umilimus atque obsequentiſſimus famulus
Balthasar Storacius .*

Im-

IMPRIMATUR;

Si videbitur Reverendissimo Patri Sacri Palatii Apostolici Magistro.

N. Baccarius Episcopus Bojanensis Vicesgerens :

A P P R O B A T I O.

L ibrum , cui titulus : *De Gente Aquaviva Aragonia Dissertatio Historica &c. Oratio Panegyrica Balibasarri Storacii &c.* jubente Reverendiss. Patre Sacri Apostolici Palatii Magistro perlegi ; nihilque in eo reperi Catholicæ Religionis, aut Christianis moribus dissonum, immo ornata omnia eruditione, & laudibus inclitæ Aquavivæ Gentis. Quare illum tuto in lucem edi posse censeo, ita tamen ut edatur, quemadmodum eundem legi, & adprobavi. Sic censeo.

Josephus Roccus Vulpius Societatis Jesu Romæ ad S. Athanasii Magni, Studiorum Præfectus, & S. Theologiæ Polemici Lector.

IMPRIMATUR.

Fr. Jo. Benedictus Zuanelli Ordinis Prædicatorum,
Sacri Palatii Apostolici Magister.

DE



DE
GENTE AQUAVIVA
ARAGONIA
DISSERTATIO

Historica, Genealogica, Chronologica

Προλεγόμενα.



UM Italicam gentem non minus armis, quam imperio potentem atra Septentrionis barbaries in Italiam repente irrupta, ejusque sacra, ac profana omnia, susque deque habuisset, alluvione quadam insignia potissimum familiarum secum abripuit (1). Bellorum enim ubique tumultus inauditi, regionum, ac provinciarum vastitates, teterrimaque hominum perniciēs eos præcipue

1 Fufius probant P. Jacobus Sirmundus Tom. 1. de propriis nominibus mediæ ætatis. Johan. Mabillon. de re Diplomat. lib. 2.

cap. 7. Ferdinandus Ughellus passim in Italia Sacra, & Scipio Ammiratus parte 1. Nobilium Fam. Neapolitan.



pue aggressæ sunt, quos opibus, atque imperio potentes eorum victoriis veluti quædam repagula opposita existimabant. Offensum quapropter cum primis nobilium virorum ordinem eorum furore nemo est, qui non videat. Virtutis nomen, aut nobilitatis inane fuit, imo periculofum apud barbaras gentes, quæ ultra corporis firmitatem, ac lacertorum vires nullam præterea virtutis imaginem agnoscebant. Itaque, cum præter Romanos, conterminam quoque, ac validam gentem, qua dolo, qua armorum multitudine potius, quam dexteritate oppressissent, & militiæ postmodum gnaros experti essent, laborum omnium socios, imperii vero, ac gloriæ voluerunt omnino expertes esse. Hinc factum plerique suspicantur, ut, quæ formidines, odia, sævities exterarum gentium Italicas plerasque familias occluserant, bella postmodum ipsa aperuerint. Post compositas autem domi res, post reversam veluti posthliminio libertatem in id consilium totis viribus populi incubuere, ut imperium propagarent. Quamobrem viri omnes e re literaria optime meriti, (2) qui antiquitatis memoriam late consulerunt, non temere existimarunt, ut decimo vertente Ecclesiæ seculo clarissimarum potissimum familiarum in Italia nomina perspecta fuerint. Quod cum aliis multis AQUAVIVÆ imprimis familiæ contigisse intelligimus. Octavum enim jam seculum agitur, quo splendidissima Aquavivorum gens sub eo nomine consalutata est. Egregiores Italiæ urbes, imo provincias universas dominii summo jure rexisse, totamque Italiæ partem, qua Picænus

^c a. Apud Mabillonium loco laud. Papebrochij in respons. ad exhibit. errorum ad art. 6. §. 3. Natalis Alexander secul. XII, cap. 10. art. 2, n. 2.

cænis ager ab Adria alluitur, totos sinus, & immensa prope superi maris spatia, quæ Picænum, Samnium, Valeriam, atque Apuliam complectuntur, (3) eorum paruisse imperio constat. Quamobrem transvectas ex Europæ finibus in Italiam familias, accitas ex Hispania, Gallia, Germaniaque numquam de nobilitate cum iis contendere potuisse historicorum consensio propugnavit. (4) Sed quia tantæ Gentis insignia tradituri sumus, congruens primum videtur primordia ejus aperire.

Scriptores nonnulli ex invictissimis Austriæ Ducibus, (5) alii ex Bavaricis educunt. Galli quoque suam vendicant (6). Alius autem cum nobilissimis Carracciolis confundit (7). Non minus etiam arrisit eru-

a 2

ditis

3 Feuda omnia in unum collegit diligentiſſimus vir Blasius Altmarus Regius consiliarius Neapolis Philippi III. Regis Hispaniarum, qui in magistratu Regiæ Cameræ obeundo Regella antiqua præ manibus habuit; atque ita in monumentis historicis Aquavivæ familia enumerat ab ea possessa *Alvianum cum suis Casalibus, Avianum, Arojan, Bacuchum, Bisentum, Cajamaximam, Canzanum, Balvanum, Curminianum, Cantalupum, Calvanum, Casarbozem, Cuperſianum, Caſtrum vetus, Caſtrum Boccanum, Caſtellionem, Chivannum, Caſtrum rubrum, Caſtagnam, Caſtrum Turritum, Caſteinum, Cellinum, Civitellam ad Tenentum, Caſalaterum, Collemarmoreum, Colanetam, Coſicum, Coropolim, Curſum, Dragonem cum ſuis Caſalibus, Forcellam, Trojam, Iſuardum Monteperinum, Monteſcucinum, Montem Silvianum, Montonum, Moſolanum, Montem Majella, Molanum, Muſſanum, Notareſium, Offenam, Pajam, Podium ad Juvannum, Podium Abujanum, Podium Morcellum, Podium ad Roſam, Podium ad Faſſanum, Finnam, Planellam, Picerinam, Proconadam, Quivianum, Ripam, Ripacornam, Ripam Grimaldum, Regium, Ruſianum, Roſetum cum ſuis Caſalibus, Rillanum, S. Canſanum, S. Gergium, S. Omerum, S. Jo-*

hannem, Scurrannum, Sternateam, Toranum, Tortoredum, Turrem Truenti, Traſimundum, Turinm, Valannum, Valaunum, & Arenam, Principatum Interamnie, & Caſerta, Ducatum Adria, Eboli, Nereti, & Nucum, Marchionatum Bituntis, & Bellantis, Comitatum Cuperſani, S. Valentinis, S. Flaviani, Monterii, Aleſſani, Vixenti, Duplice Aquavivæ, S. Agathe, Julia Neve, Joſe, & Caſtellana, in liſque recitandis ipſe Altmarus obſtupuit reſtis omnium oculatiſſimus.

4 Ammiratus p. 1. Nobil. Famil. Neapol. in familia Aquaviva, & Franciſcus Zazzera in lib. de Nobilitate Italix p. 1. de familia Aquav.

5 Philippus Scala in libro de Antiquis Terræ Laboris. Anſelmus Brixia in vita Papæ Gregorii II. Chthonicon Antiquiſſ. ſcriptorum Caroli I. Regis, & Paulus Antonius de Taſſia in hiſt. pecuniariæ Regni Neapol.

6 Blasius Altmarus in monumentis hiſtoricis, Jacobus Wilhelmus IM-Hof. in hiſtoria Genealogica Italix & Hiſpaniæ, in Exegeſi hiſt. famil. Aquavivæ.

7 Franciſcus Elius Mareſchus ex Scriptore Juvenatili atripuit, quos conſultavit egregie Franciſcus de Petſis in Chronologia Gentis Carracciolæ.

ditis eorum sententiâ; (8) qui ab Othone I. Imperatore circa annum 960 in Italiam fuisse advectos e Germania, a qua totius fere nobilitatis fons derivasse in Italiam nonnullis visus est, ibique Aquavivi Oppidi comitatu in Apulia a Cæsare donatos, familiæ postmodum nomen dedisse, excogitarunt. Quæ omnia neque confirmare argumentis, neque refellere in animo est. Ipse eorum sententiæ accedo, (9) qui Aquavivam gentem nullis aliis exterarum nationum splendoribus in Italiam propagatam ostendunt, sed Italicam agnoscens ab oppidis suis, quibus a vetustissimis temporibus in Apulia Peucetia, quæ modo Terra Barii nuncupatur, imperarunt, (10) nomen gentilitium fuisse sortitam. Et, si mea suspicio cuiquam sedeat, a Langobardorum Principibus ortam ducerem, qui latissime per Italiam jamdudum a sexto seculo imperarunt: nimirum a Ducibus Spoletinis, qui de more gentis, quæ feudorum consuetudinem induxit, suis filiis & nepotibus, etiam dum viverent, tradebant titulo comitatus Civitates, & oppida. Quæ quidem conjectura non longe a veritate abhorret ex eo, quod Spoletum versus antiquitus feuda omnia possedisse constat, legibusque Langobardorum adhuc addictus decimo tertio Ecclesiæ seculo Rainaldus II. Comes Aquavivus cum fratribus suis, ac nepotibus fertur (11). Ut ut autem hæc se habeant, in hac familia fuisse memorantur Armonicus,

8 Philibertus Campanillus de nobilibus Insignibus, in familia Aquaviva, in quem acriter invehitur Ammiratus, & Zazzera locis laud.

9 Miræ ostendit Ammiratus, Johannes Jovianus Pontanus, Zazzera, Carolus de Leillis in famil. Nobil. Neapol. alique.

10 Jacobus Wilhelmus IM-Hof in dicta exegeti hist. & Leander Alberti in accurata descript. Italiz.

11 Ex Scripturis existentibus in Regno Regiæ Cameræ Neapolis anni 1271. quas inspexerunt Ammiratus, Philiber. Campan. & Zazzera.

cus, & Maximinus Equites fortissimi. Rodolphus etiam in expugnatione Hierosolymorum Dux invictissimus cum primis adfuisse fertur (12). Papinianus vero ab Hadriano I. Pontifice electus, Albericus ab Alexandro II. & Julius ab Hadriano IV. Cardinales omnes amplissimi Aquavivæ familiæ adnumerantur (13). Nulli vero dubium, quod de Sancio Comite Aquavivæ traditum est, (14) a quo anno 1014. donatio quædam cum Drogone. Normannio Comite Apuliæ facta Cathedrali Ecclesiæ Neocastri prospicitur. Oddo autem de Aquaviva Eques nobilissimus fuisse videtur ex stipulatione quadam permutationis, & cambiî terrarum quarundam pro Hospitali Ecclesiæ S. Leonardi de Furca Pyrrhi sub Alexandro II. Romano Pontifice, necnon ex alia, (15) cui Tortuarius de Aquaviva Comes subscripsit tempore Paschalis II. eam gloriam, perantiquis temporibus omnes aluisse visi sunt, quam vix quidem alius meo iudicio est consecutus.

Est tamen videre apud veteres historicos, recentisque quanto in honore habitus fuerit Rainaldus I. Comes de Aquaviva, cui ab Henrico VI. Imperatore Neapolis Rege anno 1195. concessio feudorum facta fuit vix alias in Europa de maximis Principibus audita, quæ, utpote maximi momenti, ita se habet: (16)
In nomine Sanctæ, & individue Trinitatis: Henricus VI. divina favente clementia Romanorum Imperator semper
Au-

12. Anselmus Brisia loco laud.

13. Ut Ciaconius, & Vithorellus in dictis Pontificibus suspicati sunt, & Blasius Altimarus in suis hist. monum. noravit.

14. Apud Zazzera ex M. S. antiquissimo historiæ Regni.

15. Ex Authenticis Scripturis Oddonis Sancii, & Tortuarii de Aquaviva manu si-

gnatis, quas vidisse testatur Zazzera loco laud.

16. Diploma authenticum ex Regiæ Cameræ Tabulario excerptum vidisse, & servari adhuc testantur Ammiratus, Campanilius, Altimarus, Zazzera, Franciscus de Petris locis laud. aliique.

Augustus, Rex Sicilia etcet. dignum providimus, & esse de ratione censemus, ut ubi sinceritatis, & fidelitatis procedit obsequium, digna subsequatur compensatio meritum. Inde est, quod nos attendentes sincere fidei, & devotionis constantiam, quam Rainaldus de Aquaviva, & Fortebraccia fideles nostri semper nostris servitiis habere, qualiter nondum cessant pro nostris utilitatibus, eos credimus in antea præstituros, de mera gratia, & innata nobis benignitate donamus, & concedimus in perpetuum prædicto Rainaldo de Aquaviva, uxori ejus Forestæ, & heredibus suis. Necnon Fortebraccia, Sconfite uxori sue, & heredibus suis totam terram, quam tenuit Leonus de Aitre pater prædictæ Forestæ tam in demanio, quam in servitio, cum omni jure, honore, tenementis, & pertinentiis suis, sicut idem Leonus tempore Regis Gulielmi tenuit, & possedit, quod in demanio in demanium, quod in servitio in servitium, videlicet Bisentum, Balvianum, Ruglianum, dimidium Aucani, Collemarmoreum, Cbiavianum, duas partes S. Georgii, Casaleratum, Poggium ad Furvanum, Scurranum, Poggium ad Rosam, Carminianum, Forcellas, Ripam Johannis filii Grimoaldi, Cantalupum, Castellum vetus, Aquavivam, Proconatam, S. Johannem de filio Tribuni, S. Mariam de Atri, cum Poggio ad Fajanum, Montempertum, & Castellum Boccanum. Ex quibus nihil clarius, aut luculentius de insigni nobilitate, atque antiquissima Rainaldi, Leonis loceri, Forestæ uxoris, ac Fortebraccia Fratris proferri potest (17); fanaticorum est enim, & eorum, qui e potestate mentis exierunt, meridiana luce accendere lucernam. His itaque eo splendore firmatis non multo post imperavit Andreas

17 Apprime animadvertit Ammiratus, versus, retroque Raynaldi Aquaviva famulatus, & Campanillus ibidem, sursum sic perpendatur.

deas filius a Friderico Cæsare anno 1240. Barenfis provinciæ Moderator designatus, splendidæ tunc temporis dignitatis administratio, in cujus finibus maximam feudorum partem possidebat. (18) Andreæ filius Riccardus I. vir magni ingenii, ac maximorum operum præter illas Patris, Avique terras, quas in Samnitibus, Marchia, atque Apulia regebat, *Cuperchianum* quoque temporibus Caroli I. Regis, cui nimio sane opere acceptus fuit, anno 1273 excepit (19); ac postmodum 1281. hæreditario jure matris suæ dominus *Pacucchi* effectus; (20) anno vero 1283. ab eodem Rege in oppida *Arenariæ*, *Ameriæ*, *Castellionis*, *Castri montis Silvani* jus dominandi decretum (21). In Siciliensi bello, ad quod in generalibus Regni comitiis Aquilæ habitis omnes Regni Magnates ab se convocatos excitavit, operam egregiam præstitit, in Messanæ potissimum obsidione avertenda, quo propriis sumtibus exercitum e Neapoli duxit (22). Revertentem ab ea provincia Rex Carolus II. *Nobilem Virum*, & *Dominum* suis literis consalutavit, novisque feudorum juri-
bus *Offena* præsertim donavit (23). Nullum momentum, quin imo temporis punctum fuit in eo aut beneficiis sterile, aut vacuum laude. Ex Jacoba de Piziis nobilissimæ olim familiæ filios suscepit Gentilem, & Mannerium, de quibus vetus historia parum, aut omnino nihil. Sed tantummodo memoriæ proditum Gentilem cum Margarita Caprifica conjunctum superstitem reliquisse

18 Ammiratus; Campanillus, Zazzera, & Jacobus IM. Hof.

19 Ex Regesto Caroli I. Regis anni 1271.

20 Ex eodem Regesto anni 1281. ubi Regius adfensus perspicitur.

21 Ejusdem Regii Tabulatuli l. 6. fol. 77.

22 Ammiratus, Zazzera loco laud. Carolus de Lelitis in familia Russi, & Campanillus ex antiquis Serpheuris.

23 Ex Regesto Regiæ Cameræ Caroli II. Regis anni 1281. quod Ammirato, Campanillo, & Zazzera notum fuit.

quisse Jacobum præstantissimæ gentis Cubitosæ Aquinatis virum.

Riccardi Ducis triumphale nomen duo germani fratres Gerardus, & Rainaldus II. capaces jam imperii, & primis militiæ annis apud Italicos exercitus clari exceperunt. Ex Berardo ortus Gualterius anno 1269. dotalibus juribus Isabellæ Grossi gnatæ Matthæi Domini de Bisento in Aprutio, aliorumque locorum, uxoris suæ, super insignes civitates *Muri*, *Cassani*, *Rippe Dracardi*, *Poggii ad Bassanum*, *S. Omeri*, & *Turris Truenti* investituram, ut ajunt a Carolo II. Rege obtinuit. (24) E vivis excessit anno 1289 relicto filio Matthæo I. qui eodemmet anno, dum Rex Reati morabatur, paternis feudis potitus, filios ex Imperatrice de Archis Domina de *Canopoli* suscepit (quamvis alii primo conjunctum matrimonio cum Philippa Comitis de Sangro gnata velint) (25) Franciscum, Isabellam Celani Comiti, & Enniam Gentili de Sangro nuptas.

Rainaldus autem II. licet paternæ amplitudinis cum suis æque gauderet, legibus tamen Langobardorum cum agnatis suis tenebatur (26); ab eoque geniti Conradus, Petrus, ac Rainaldus III. mire nobiles quascumque artes exercuerunt. Eos inter Conradus omnibus imperatoriis artibus instructissimus apud Robertum Regem multum valuit, cujus auctoritate anno 1309 oppida *Planella*, *Castri Rubrorum*, *Civitella*, *Offena*, & *Poggii* per vim a Friderico Lumano occupata

24. Ex authenticis Scripturis anni 1269. de quibus loquuntur Ammiratus, Zazzera, Campanilius, & novissime Jacobus IM-Hof locis laud.

25. Videre est apud Jacobum IM-Hof in sua Exegesi historica. Licet de priorē uxo-

re nihil scripserit Ammiratus, alique Historici.

26. Perantiquis monumentis probant Ammiratus, Campanilius, & Zazzera de more illorum temporum apud nobiles viros.

ta ei fuerunt restituta. Magnoque Equitum insigne decoravit, ac regio stabulo præfecit. Pro Aquilanis bella aggressus, & sæpe triumphavit, S. *Valentini* Comitatum eximium excepit a Rege (27). Cum Francisca Troisia regis Normannorum familiæ junctus (28) matrimonio Averardum S. *Valentini* Comitem II. procreavit, cujus opera Pannoniæ Regi maxime profuit (29). Ex quo superstes filius Conradus II. S. *Valentini* Comes III. præter feudorum omnium confirmationem a Carolo III. anno 1382. statim obtentam, in calamitosissimis quoque Regni Neapolitani temporibus, magnis ipsius rebus gestis, quod armis, consilio, & octo mille pondo auri sui labantes res restituerit, Regis benevolentiam sibi conciliavit (30). Ex Antonella de Fontanai Conradus III. S. *Valentini* Comes IV. ortus, ipsiusmet filius, non nepos fuit, ut male nonnulli commentati sunt (31). Magnus Regni Manfredus, Duxque eximius cum nobilissima Melphii, ac Melitæ Comitissæ filia Menona Acciajola nuptias celebravit, & filiis omnino caruit; unde ad germanos fratres, eorumque nepotes pingue patrimonium transiit (32).

Quamobrem Matthæi I. filius Franciscus eodem tempore Patris sui obitus a Guidone Pramerano emit reliquam partem *Ripæ*, *Grimoaldum*, *Cantalupum*, &

b

Car-

27 Adnotavit Campanillus loc. laud. Ammiratus, & Zazzera, & late apud Regium Tabularium anni 1316. L. A. fol. 41. in quo *mobilis vir* & Comes vocatur.

28 Apud Campanillum, qui præ ceteris prodidit memorie.

29 Scriptum reliquit Johannes Villani lib. 12. Chron. cap. 110.

30 Ex Regio adfensu Caroli III. Regis præstito anno 1382. aliisq; publicis Scriptis

illorum temporis apud Ammiratum, & Scallio-

31 Contra Ammiratum propugnat Zazzera; imo palæodiam postmodum ecclesiæ Ammiratum testatur loc. laud.

32 Hac linea extincta in eo, Comitatus S. *Valentini* a nepotibus Ursinis venditus, anno postea 1507 ab eisdem Jacobo Tollano pretio traditus fuit. Inuit omnia Ammiratus, & Zazzera, sed apertius tradidit Jacobus IM-Hof loc. laud.

x

Cardifium in Samnitibus (33). Et ex scripturis post ejus obitum inventis jura suorum in propatulo habita; quibus a Monachis S. Salvatoris Reati Castrum percelebre *Cordifci* foret vindicandum, dum jam ab annis 1311. & 1319. (34) Francisco restitutæ fuerunt partes aliæ *Muri*, *Canzani*, & *Poggii ad Bassanum*. Quum vero controversiæ quædam, & quidem nimis acriter cum Conrado I. Aquavivo consobрино suo diu agitatæ fuissent pro prisco Oppido *Aquavivæ* in Marchia, Regis tandem Caroli II. auctoritate compositæ, (35) majoresque stimuli admoti filiis suis Matthæo II. Nicolao, & Ludovico ex Johanna S. Georgii uxore habitis illustriora perpatrandi. Quod ex animi sententia celsit. Vix enim Matthæus natu major, Jacobam Sanseverinam regis stirpis sibi junxit, & reliquas partes oppidorum *Tabujani*, & *Triviani* adeptus fuit, magnusque Officiorum Comes anno 1349. a Regina Johanna I. renunciatus (36). Nicolaus quoque iisdem insignibus cum Ludovico germano suo decoratus, subditisque suis apprime acceptus, Regis auxilium contra Asculanos Picænos imploravit, qui in Marchia Anconitana, ac Samnitibus eos positos infestabant; quo rejecti bello tandem, atque confracti (37).

Eam similitudinem natura, facie, elegantiaque ad animum Antonii filii sui transferens Matthæus, multo etiam magis magnitudinem, splendorem, ordi-

33. Ex rog'o adfensu Caroli II. Regis præstito anno 1303.

34. 35. Apud Ammiratum, Campanillum, & alios ex Scripturis ab ipsis perspectis.

36. Anunicatus, & Campanillus ibi, & Summ' pontius in hist. Regni Neapolitani.

37. Ex antiqua Scriptura anni 1344, in qua Regis decretum legitur de subigendis Asculanis, qui præter Aquavivam in Marchia, ad vastitatem vocaverant oppida Coropolis, Casalis Moriani, & Castri Turritum Aquavivæ genti subiecta, Zazetra, & Ammiratus.

dinem in consiliis, factisque conservandum dedit. Quibus ex rebus conflata, & effecta conjicitur amplitudo illa domus suæ, quodque vere dicimus maximæ familiæ, belli, pacisque artibus ab eo decus additum. Maxime Romanis Pontificibus acceptus iterum, ac sæpius, iterumque bella in refractarios Romanæ Ecclesiæ Asculanos intulit, ac Cardinalem Ægidium, ejusque nepotem Demetrium Albornotii ex eorum, manibus, atque obsidione circa annum 1376. eripuit (38). Carolo III. Regi contra Ludovicum Andegavensem armis profuit, unde a Rege ipso S. *Flaviani* Comitatu insigni anno 1382. donatus (39). Et postquam omnibus Regni administrationibus functus esset, anno 1392. *Interamniæ*, & *Adriæ* dynastiam insignem Aprutii reemit, quam usque ab anno 1195. Raynaldi focer Leo de *Adria* in domum suam nuptiis Forestæ filiæ transfulerat, postque ea tempora ignotum plane historicis omnibus, quo pacto ad alios transierit. Primusque Dux Antonius in Italia, & alibi etiam, a Ladislao Rege creatus, in regioque diplomate Regis ipsius *consanguineus* laudatur (40), qui ex eadem Sanseverina Matre cum Rege orti erant. Nec multo post Comes *Montorii* effectus regiam uxorem Ceciam Cantelmam ex antiquis Populorum dominis duxit. Iisdem temporibus Conradus IV. & Ludovicus Comes *Superfani*, Ducis Antonii germani versati sunt in Regno. Conradus alias ad curas animum non vertit, quam ad-

b 2

d3-

38 Peculiaris historia antiquissima Regni Neapolitani M.S. enarrat, quam refert Zazzera ibid.

39 Ex Regesto Regio anni 1382 fol. 139. lit. B.

40 Ex regio diplomate in Tabulario

Neapolis existente si b die 20 Junii 1392. & historici omnes tam patris, quam exeri meminerunt ejusdem. Ex eoque ostendit eruditissimus Scipio Ammiratus primum Italiæ Ducem fuisse reatum, & ita esse etiam alibi.

domus suæ incrementum. Acrīter quapropter ab eo cum Napoleone Ursino disceptatum, quousque celeberrimis oppidis *Piceriti*, *S. Cusani*, & *Montis Majelle* potiretur (41). Ludovicus vero Reginæ Mariæ probatissimus pro ea contra Adriæ Ducem Franciscum de Baucio exercitum instruxit, & ad Colophonios res redegit, quibus Reginæ imperio iterum submittere-
tur (42).

Antonio Duce Andream Matthæum I. Adriæ Ducem II. natum (de quo vetus historia Regni Neapolitani plura egregia reliquit in scriptis) Catharina Tomacella Cybo egregiis insignibus ubique terrarum familiæ præstantis uxore tradita Bonifacius IX. adfinitate sua cohonestavit. Ladislaus Rex ob militarem virtutem magni fecit, & bello præfecit, quod adversus Mariam Anghianam Principissam Tarenti Raimundelli Ursini viduam gestum ipsi fuit. Eo deinde per matrimonium Regem inter, & Tarentinam contractum absoluto, domum Aquavivus Dux reversus, non multo post e corpore excessit (43); progenitique ab eo Duces Antonius II. Petrus Bonifacius, atque Josias I. omnes Adriæ ducatu successive gavisi sunt.

Antonius primigenus Dux Adriæ III. cum Principissa Maria Ladislai Regis uxoris filia matrimonio junctus, decretumque ob illud a Rege solemne fuit, læti tunc dies, festa loca, Capuanum præcipue Castrum Regis domicilium conchyliatis peristromatis,

ac

41 Ex monumentis M. S. anni 1388 apud Zazzera.

42 Prolixè omnia complexus Angelus Crasellus Notarius Tarentinus in hist. Regni bellorum.

43 Ammiratus, Campanillus, Zazzera, & Ciaconius in Bonifacio IX. & fuscæ vetus historia Regni M. S. apud clarissimum Duce Montelconis.

ac luminibus ornatum Neapoli plurimorum mensum cursu (44). Non bella profecuta, non arma, clausum omne ferrum, pax & quies antea ignota ea celebritate redierunt. Absque vero liberis decedenti germanus successit Petrus Bonifacius Adriæ Dux IV. Ladislao Regi carissimus, qui in diplomate quodam M.S. anni 1413. *consanguineum* suum commendat. A Regina quoque Johanna II. cum Catharina de Ricciardis conjunctus terras *Isuardi*, ac *Rillani* nuptiali jure vindicavit (45). Mox Siniscallus, & Regni Marefcallus creatus innumeris prope feudorum insignibus excelluit, præcipue *Ortona*, *Termoli*, *Tollo*, *Juliano*, *Insula*, *Furca*, *Tofficia*, *Certore*, *Montesilvano*, *Macchia*, *Casula*, & *Alanno*.

Andreas Matthæus II. a Petro Bonifacio genitus Adriæ Dux V. nec diu, neque filiis gaudere potuit, quamobrem res omnes ad Josiam I. Ducem Adriæ VI. patrum suum redierunt (46). Interamniæ tantum Civitatem, & Dynastiam pretio aureorum sex mille & quingentorum emit ab Andreæ Matthæi Matre.

Interim Dux Josias adversus licet rerum publicarum fluctibus assidue jactatus, plurima tamen fastis consignavit gloriæ suæ facinora, quantum nimirum roboris in Ælinæ urbis tuitione præ se tulerit; aut Aragoniorum Regum studiosissimus, quantum pro Alfonso Rege pugnaverit in insigni illa contra Genuenses pugna navali; quot ærumnas pro eisdem in Samnites

re-

44 Jacobus Wilhelmus IM-Hof in sepe laudata Exegesi hist. Campanilius, Summonius ex citato Chron. Ducis Monteleonis. Hujus Ducis Antonii II. facta, docemque constitutam in XII. mille aureis Annuniratus diligentissime exœripit ex authenticis Scri-

ptis apud nobilem, doctumque virum Joh. Vincencium Sambiasi Dominum Candelæ in Aleii provincia.

45 Campanilius in famil. Aquaviva ex MS. anni 1413.

46 Annuniratus ibid. & Jacobus IM-Hof.

reversus a Sforziensibus alacri animo tulerit (47). Licet autem primo Alfonso in Italiam adventu constanter ei adhæsisset, & utramque cum ipso fortunam subiisset, studio tamen Adriæ, Interamniæque recuperandæ impulsus, matrimonioque cum Sforziensibus copulatus, Franciscum, & Johannem fratres in consilium, auxiliumque arcessivit (48). Sforziensibus autem rerum suarum satagentibus, arma, quæ jam pararat, mox deposuit, Regique Alfonso conciliari curavit. Post compositas res Josiæ Ducis reditum in gratiam suam Rex nova terrarum, anno 1446. earum præcipue, quæ germani filio abstulerat, concessione cohonestavit (49), quæ vernaculo sermone ita Regis manu exarata fuit: *Avendo noi riguardo a' serviggi di Gioffa Aquaviva zio del Duca Andrea Matteo, gli donamo S. Flaviano condignità di Conte, Cellino, Bisento, Castagna, Penna, Aviano, Roseto con suoi casali, Forcella, Cansano, Castelvecchio, Trasmondo, Notaresio, Montone, Tortoreto, Canopolo, Musano, Turano, Santo Omero, Ripacone, Vallato, e la Troja*. Tribus uxoribus ex clarioribus Europæ familiis, Sforziensi, Carraria, & Caldora ductis binos filios suscepit, Julium Antonium, & Johannem Antonium. De secundo multa monumentis consignata sunt bella, quæ gessit, quibusque magnis provinciis, ac imperiis præfuit.

Igitur Julius Antonius S. Flaviani Comes, & Adriæ Dux VII. quum bellum a Patre susceptum quodam veluti auctoramento se teneri persequi nosset, cum

Ta-

47 Omnia Scipæis persequitur Johannes Simonetta lib. 1. cap. 1. histor. Sforzien. circa annum 1411. 1415. & 1418. Corius in hist. Mediol. lib. 3. & Bartholomæus Facius.

48 Facius ibidem, & Jacobus IM-Hof.

49 Ex Regio diplomate anni 1446 diei 22. Julii, quod recitat Ammiratus, Campanius, & Zazzera laudatis locis.

Tarenti Principe focero suo octo mille equitum exercitum comparavit, ut illatas familiæ suæ injurias vindicare promptus in campum descenderet. (50) Quas cum nosset Ferdinandus Rex vires adhuc esse, ambiguas si deliberarent, acres si desperassent. Et licet victoria consiliis, ac ratione perficiatur, initia tamen bellorum civilium fortunæ permittenda. Jam exercitu Aquavivi Ducis Barensem provinciam, & pulcherrimam regni partem descivisse. Satis gloriæ antea actis præliis partum, majora sibi commoda, & multo maximum decus fore, si incolumitatem Regno sine sanguine quæsisset. Dux vero Julius Antonius terrore & fama aucti regii exercitus, quumque in occupatione Barii, ubi XL. aureorum millia servabantur, a Rege præventus esset, foceri vero filium nequaquam, eo ingenio præditum, paterno imperio parem duceret, (51) pacis non dedignabatur studium. His & aliis mitigatus Ferdinandi animus, & Aquavivi nominis robur, atque existimationem valde profuturam ducens in pacem cum ipso venit (52), pro cujus securitate perpetua, & firmitate sequestres, & tamquam obfides pro Romano Pontifice Cardinalis Ravennatis Legatus Ecclesiæ, & Antonius de Trezzo pro Mediolani Duce accesserunt. E re quoque sua esse duxit Ferdinandus regium nomen suum Aragonium Julio Antonio, suisque omnibus perpetuo elargiri (53). Ab eoque tempore Rex Julii Ant-

nii

50 Colonusius, Simonetta, & Jovianus Pontanus lib. 5. Hist. adnotant ad ann. 1463.

51 Accurate advertit mox laudatus Jacobus IM-Hof.

52 Per singula capita pacis Regis cum Julio Antonio recitat Campanillus ex veteribus Scitpeuris, Annulatus etiam memorat in fam. Aquaviva.

53 Post Annulatum, omnesque histo-

ricos authenticum diploma vidisse testatur Paulus Antonius de Targa lib. hist. peculi. Regni, cui inter alia hæc verba Regis inesse profertur: Tu igitur (Julii Antoni) quod virtutes exigunt tua id officio, & præsta, ut honoris, & decori sis armis & cognomini nostro; & brevi fore spera, ut majoribus letis, atque illustrioribus finis tuis comdecorari.

nii opera consiliisque in summis pacis & belli rebus
 usus est (54); *neque enim minus in Toga, quam in armis*
vir hic claruit, ad præstantissima quæque natus munia domi
forisque (55). Itaque anno 1476. Friderico secundo ge-
 nito Rex comitem dedit, & arbitrum ad nuptias cum
 Burgundiæ Ducis filia stabiliendas (56). Quo maxi-
 mo negotio feliciter peracto anno 1479. fœderatorum
 armorum Regis cum Pontifice Sixto imperatoriam po-
 testatem nactus, in Florentinos (licet militaris imperii
 auctoritas Urbinati antea Duci Romanæ Ecclesiæ
 Vexillifero facta esset) tam strenue pugnavit in expu-
 gnatione Collis, aliorumque locorum, ut conceptam
 jamdiu virtutis suæ opinionem in omnium animis ma-
 gisque confirmaverit (57). Vix dum Turcarum arma
 Italiam aggressa, ad exitium jam, ac vastitatem Hy-
 druntum vocaverant, atque in Calabriæ interiora pe-
 netrare ausi Regnum ipsum subicere agitabant animo;
 & Julius Antonius apud Senas hærens imperator in
 Thraces totius Italiæ Principum consensu transmissus
 fuit. Inque eos, qui Hydrunto egressi prædæ faciendæ
 causa per agros proximos, in Stornariæ oppidum irru-
 perant, quamquam exercitum exanimem, exterritum,
 dimidiatumq; haberet, acriter tamen certamen commi-
 sit. Dumque in primo cum Turcis conflictu suis terga
 vertentibus voce, & exemplo animum addere conatur,
 & Imperatoris, militisque impavidi fungitur munere,
 plus

54 Inquit Jovianus Pontanus hist. lib. 1.
 55 Mox laudatus Pontanus, qui subdit,
 præter avitam Aquavivæ gentis feudorum
 possessionem, anno 1464 Civitatibus quoque
Bisanti, Bitelli, Cassani, & Jesa cum omni-
 bus suis jurisdictionibus Ferdinandum do-
 nasse illum.

56 Ex antiquo Chron. Ducis Monteleo-
 nis de anno 1474, & non juxta alios 1481
 apud Zazzera.

57 Passim videre est apud historicos re-
 rum Hetruriæ.

plus triginta vulneribus exanguis, ac confectus, medius inter hostes equo delapsus ab incumbantibus Turcis capite obruncatus est (58). De quo fato tam acerbe Ferdinandus Rex conquestus est, ut palam fuerit professus, maluisse Hydruntum potius, quam tantum Ducem amisisse (59). A suis fortuito exceptus in Ecclesia ab eo condita Monasterii S. Mariæ in Insula Cuperfani tumultus, statua quoque marmorea erecta fuit.

De eo fama constans est, scriptis quoque tradita, quod everso, bellorum præsertim incendiis antiquo castro S. Flaviani prope ostium Truenti amnis, insalubri posito loco, aliud in mediterranea regione tribus mille ab eo passibus dissitum, & salubriore coeli temperie gaudens sumtibus extruxerit suis, *Juliam Novam* ab ejus prænomine dictum, & non minus quam Adriam ipsam Hadriani Cæsaris natalibus illustre (60). Magnus Regni Siniscalcus fuit. Ludovicus quoque XII. Rex Galliarum insigne Equitum S. Michaelis ornavit. Filiis, quos ex Catharina Ursina de Baucio regie gentis Tarenti Principis suscepit, literarum studia commendabat assidue, sine quibus imperare Principibus non licere sentiebat. Ex ea uxore Ditio ipsi quæ sita *Cuperfani, Nucum, Turii, Casamaxima, Castellana*; aliorumque locorum, quæ anno 1456 libens statim Rex ad sensu suo firmavit (61).

c

Ve-

58 Videndi historici omnes, qui res Italia complectuntur, & in diem 7 Februarii anni 1481 conferunt hanc pugnam acerrimam apud Stornariam Hydrunti oppidulum. Ammiratus, Campanillus, Zazzera, Pontanus, & alii.

59 Ut Scriptum reliquit post Ammira-

tum novissime Jacobus Wilhelmus IM-Hof, non solum Regi Ducis Iulii obitus, sed ceteris Principibus quoque displicuit.

60 Leander Alberti in descriptione Italiae p. m. 266.

61 Ex Regesto ejusdem anni diei 11 Aprilis Regii Tabul. Neapol.

Verum filiorum omnium, qui ab se superstites fuerunt uti natura, ita prorsus virtute excelluit longe Princeps Andreas Matthæus II. Adriæ Dux VIII. qui cum paterna bonorum omnium possessione, decora etiam omnia, regiæque imprimis familiæ, collata a Ferdinando Rege, iterum excepit. Anno vero 1484 Interamniæ Princeps, & Marchio Bitunti a Rege ipso primum consalutatus. Ad eumque literas ipsius manu exaratas existimatione insolita refertas misit; quas, utpote peculiariter animadverterunt Historici omnes, huc restituendas duximus, quæ italico sermone ita conceptæ fuerunt (62). *Principe come figlio, ricordomi molte volte havervi detto, e dichiarato esser mia ferma volontà donarvi, e restituirvi Teramo, siccome conosco esser tenuto sì per la grazia, e privilegio ve ne hò fatto già spacciare, sì ancora per l'ottimi servigi ricevuti da voi, e da tutta la Casa vostra, ed in speciale la buona dimostrazione avuta in questa presente novità. E come vi dovete ricordare, molte volte vi hò detto, che non stessivo mal contento de la dilazione hò fatto in darvi la possessione di quella Città, non per altro, se non per aspettare tempo più congruo, e conveniente ad eseguire il mio desiderio, il quale, come sapete, molte volte non si può eseguire, e bisogna noi altri Principi spesse volte per molti rispetti comportarle; dove parendone al presente esser venuto il detto tempo comodo per potere sodisfare al vostro, e mio desiderio; ho voluto scrivere la presente di mia propria mano, per la quale vi dichiaro, e certifico indubitatamente, che mò, e lo più presto sia possibile vi farò dare la possessione di detta Città, e per sodisfare*

62. Autographum Epistolæ videlicet testatus Ammiratus, qui cum nepote Andrea Marchi Johanne Hieronymo I. familiaris;

hinc versatus fuit. Page 2. Nobil. Neap. famil. in Aquaviva.

re all'animo vostro, e oltre il privilegio ne avete, ho voluto per questa ratificare, e confirmare, ed accettare tutto quello vi ho promesso, voglio possiate tenere, oltre le altre tenete per vostra cautela, e così nel principio, esoprascritto de la presente ve ne intitulo di mia propria mano. Vi vete adunque contento, che mediante il grande amore sempre vi hò portato, e vi porto, e le virtù vostre, sempre faremo cosa, che vi piacerà, e donarete fede ad Angelo di quanto da mia parte vi dirà, al quale più lungo hò parlato; Scritta di mia propria mano in Foggia li 27 Settembre. Rex Ferdinandus.

Licet autem a nonnullis, Caleni potissimum Comite adversas Regi partes complecti visus esset, eamque ob causam apud eum acriter criminatus, re tamen comperta, (63) solus ipse ut memoriae prodidit præ ceteris Camillus Portius illorum temporum scriptor egregius, Regis indignationem evasit. Intercedente enim Regis filio, quæ maxime placuit Patri, in pristinum decorem fuit restitutus (64). At Princeps Andreas Matthæus multa morum elegantia, & ingenio illustris, dum fortunam omnem æquius toleravit, obfervantissimus semper & Ferdinando I. & Alfonso filio, & Ferdinando II. Regibus extitit, pro quibus postmodum exercitiis præfectus in Samnitibus, in Apulia, Brundisio, Hydrunto, & Tarento strenuissime dimicatus pensum suum optime accuravit. Sæpe etiam Venetos, Siculos, atque Hispanos in mutua foedera cum Aragonensibus Regibus conciliavit, univer-

63 Testatur Ammiratus, Campanilius, & Zaxera ab initio conjurationis Baronum in Ferdinandum, licet assidue tentatum numquam tamen novarum rerum architectis

adhæsisse Andream Matthæum Principem. 64 Peculiariter animadvertit Ammiratus, & Campanilius loc. laud.

sumque regnum victoriis peragravit, & gloria (65).

Postquam autem anno 1496 Fridericum Regem potentissimis armis rem Neapolitanam recipere vulgatum est, ac Regno potitus, memor Rex industria, diligentiaeque Andreae Matthæi, quæ in apertum discrimen res suas conjecerat, *Aquaviva* oppido in Barri provincia cum feudis aliis, & propugnaculis ipsis regiis vertente anno 1499 donavit (66). Cum vero Carolus VIII. Rex Galliarum ubique regnum invasisset, atque alius alio certatim ad Gallos converterentur, eo usque in fide Ferdinandi Regis stetit, dum de imperio ejus actum videbatur, parcendum tempori, ac necessitati ducens. Quamobrem anno 1503 prope Rutilianum in agro Barri a Petro Navarro Hispanicarum copiarum Duce improvise aggressus, post acerrimam pugnam, in qua Johannes Antonius ipsius patruus cecidit, captus est (67). In qua captivitate *ad eam occulti ingenii frugem, quæ ab impotenti fortuna eripi non potest, generosa meditatione pervenit* (68). Tandem foedere matrimonioque sancito inter Catholicum Regem, & Galliarum pristinae libertati, fortunisque omnibus cum primis fuit restitutus. Decedente mox anno 1515 Catholico Rege Ferdinando, iterum regni rebus perturbatis, cum ad Regnum capeffendum vocatus esset Carolus V. Nepos Cæsar postea invictissimus, memorie proditum est historiarum, Andreæ Matthæum restitisse omnibus, qui adversas fortasse partes ample-

cti

65 Jovius memorat Andreæ Matthæum sex mille peditibus, & quingentis equitibus præfectum pro Aragonensibus belligerasse.

66 Franciscus Guicciardinus in hist. Italiae lib. 5. elson annum 1496.

67 Idem Guicciardinus lib. 5. & Annal. ratas cum aliis.

68 Paulus Jovius Elog. Doct. Viror. & apud Moreri in Dictionario Hist. Criticae; mih. Aquaviva.

ēti meditantur, palamque in publicis Regni comitiis pronunciasse, nihil ineptius, nihil imprudentius, nihil a ratione alienum magis, ac fide, nihilque reipublicæ magis adversum, quam alii, præter Carolum, subjici. Tantique factum ejus consilium, ut in quiete omnia, ac tranquillitate peracta fuerint (69). Magno quoque factæ ejusdem lucubrationes, *Encyclopædia* maxime omni ævo celebrata (70). *Deiparam* quoque *Virginem novam salutandi methodum* concinnavit, suisque hac Epistola direxit Princeps æque religiosissimus: *Hæc a sacris literis excerpta, Parentes optimi, quæ Pontifex Summus suffragia indulsit Deo O. M. dicamus. Nihil enim expiationis hoc pretiosius habui, quod offerrem, quodque magis e re vestra esset, si vos tum his egetis. Nam tu Julii pater imprimis, qui tam strenue, ac fortiter cum Turcis dimicans pro Christi Religione occubuiſti, his fortasse adminiculis non indiges; nec tu bene morata, ac pudica Mater, sed neque etiam vos dilectæ Conjuges, quæ vestris numquam satis laudatis moribus, Deo jam gratissime suisſtis. Quo fit, ut omnes vos Christi sanguine, fide, & lavacro redemptos æternam æternitatem vivere non diffidamus. Si quid tum reliquum est non purgatæ contagionis, aut noxæ, en iccirco hæc piamenta collegimus, quæ singulis die-*

69 Egregioribus Principis Andreæ Matthæi facinoribus hoc adscripserunt Ammiratus, Zaccaria, & Campanillus ibidem.

70 Hujus operis liber primus Neapoli anno 1746 prodit, integer vero Helenopoli Germaniæ anno 1809. Hoc Nicolaus Toppius in Bibliotheca Neapolitana indicat sequenti titulo: *Andrea Matthæi Aquavivæ Principis omnibus belli, & pacis artibus excellentissimæ, Adrianorum, Interamnatumque Ducis, illustrum, & exquisitissimarum dissertationum libri quatuor, quibus omnes di-*

moderatrici, Musica, atque Astrologia arcanæ in Plutarchi Chæronæi de virtute morali præceptionibus recondita, summo ingenti acumine retecta pateſcunt, & figuris illustrantur. Jovius etiam Elogiorum cap. 61. Nemo ex his, inquit, qui illustrum orti famulis atate nostra claruerunt Andrea Matthæo Aquavivæ se incipientius optimis disciplinis exornavit. Alexander ab Alexandro ipsi Geniales dies, ac Pontanus librum de rebus celestibus, ac de magnanimitate inscriptum apud Moreti in suo Diction.

diebus per centum ora Sacerdotum celebrata pro vobis Deo offerentur. Vos interea, quæ vestra in vestros semper pietas atque amor fuit, pro nobis invicem fundite Deo preces (71). Cum Isabella primum Piccolominea Aragonia Ducis Amalphitani filia, Pontificis Pii II. atque Ferdinandi Regis pronepte, secundo vero cum Catharina de Ratta junctus Caroli Aragonii ipsius Regis fratris olim fratria, ex hac *Caserta* Comitatum, & *S. Agathæ*, *Ducatum Ebuli*, & *S. Angelum* cum aliis terris in familiam suam transtulit. Et nonagesimum supra septimum annum agens egregiis undique insignibus onustus e vita concessit (72).

Existimatione quoque non minus illuxerunt Belisarius Dux Neriti secundo loco genitus, ac Nicolaus Episcopus Cupersani, & Paula soror Bisiniani Principis germano Onorato Sanseverino nuptiis sociata. Porro Belisarius Dux I. Neritonensis Regi, uti pater suus Julius Antonius, acceptissimus; Ferdinandum II. ex Sicilia redeuntem armis fere suis, ac militibus stipendia sua merentibus Neapolim a seditiosorum studiis, armisque quassatam tute ingredi conatus fuit (73). Quapropter a Rege *Cupersano*, *Joja*, *Bitecso*, & *Casamaxima* donatus: iis vero postea Adriæ Duci fratri suo a Ferdinando Rege restitutis, *Neritum* excepit, ejusque Dux I. a Carolo V. Cæsare consalutatur (74). In celeberrimis pugnis ad Gerionulam, &

Li-

71. Leo X. P. M. suo Brevi diei 5 Februarii Pontif. anno 6 centum annos Indulgentiarum, aliasque expiationes eis impartitus fuit, qui quotidie recitarent.

72. Jovius in Elog. *Per viginti quatuor annos, inquit, egit jucundo in aia vitam dicatam studiis, quum Neapolitanos proceres candore, innocentia, & liberalitate facile su-*

peraret. Fato functus est ad Cupersanum, quum Lutrechii Galli infelicibus armis Apulia quateretur.

73. Apud Ammiratum, Campanilium, & Zaccaria loc. laud.

74. Sub primis annis Caroli V. Cæsaris, ut ex ejusdem Diplomate in Regia Camera existente.

Lirim dimicatis acriter de summa Regni inter Hispanos, Gallosque, non solum interfuit, sed fortitudine sua omnium transactorum præliorum fructum in eo die, atque hora pro Hispanis docuit consistere (75). Cujus vero prima ætas dedita studiis literarum fuit, iisque artibus ad Rempublicam capeffendam instruebatur, adulta quoque profecutus plura & scripta, & typis edita posterorum memoriæ commendavit (76). Romanis Pontificibus Leoni X. Hadriano VI. Clementi VII. & Paulo III. maxime probatus. Viros eruditores ex omni genere non fovit solum, verum etiam admirationi fuit. Ipsi Sannazarius, quocum Academia celeberrimæ Joviani Pontani nobile fuit ornamentum, inter eos Princeps non dedignatus connumerari, percelebre de Lauro scripsit Epigramma:

*Illa Deum latis olim gestata triumphis;
Claraque Phœbæ laurus honore comæ,
Jam pridem male culta novos emittere ramos,
Jam pridem baccas edere desierat.
Nunc lacrymis adjuta tuis revirescit, & omne
Frondiferum spirans implet odore nemus.
Sed nec eam lacrymæ tantum juvare perennes,
Quantum mansuro carmine quod colitur.
Hoc debent, Aquirvive, Duces Tibi, debet & ipse
Phœbus: nam per Te laurea silva vires.*

Gravina etiam Canonicus Ecclesiæ Neapolitanæ Poeta
eru-

75 In bello Magni Ducis Columnelæ contra Ducent Nemohium ex Ammirato, & aliis.

76 Nempe de Venationibus, de Ausupio, de Principum liberis educandis, de re militari, de singulari certamine, & de excellen-

tia Christianæ Religionis Neapoli editis in folio 1619. De quibus loquitur Ammiratus, Jovius in Hagiis, Jacobus Wilhelmus IM-Hof in Exegesi hist. & Morezi cum aliis in suo Diction.

eruditissimus omnia paucis versibus complectens de tanto Duce cecinit .

Qui populis dare jura suis non destitit umquam ,

Qui Patria toties profuit ore potens .

Nec minus ætatas ductando in prælia turmas

Fortiter austerus Martis obivit opus .

Palladis amplexus nomen veniente senecta

Ipse docet quales convenit esse Duces .

Et quamquam secundo loco natus a Julio Antonio Principatum in domo sua non obtineret, sapientia tamen, industriaque sua in Principum dignationem pervenit . Ipsum in domo sua, traditum est a multis (77), Mediolani Ducissam cum Bona gnata, Poloniæ postmodum Regina, Bisiniani Principem, aliosque Italiæ, Europæque Principes recepisse honoris illorum causa, & pro sua dignitate quam honorificentissime, & quam liberalissime tractasse.

Cum Sueva Sanseverina Hieronymi Principis Bisiniani sorore conjunctus filios progenit Johannem Berardinum II. Ducem Neriti, Jacobum Antonium Ducem felicissimum, Johannem Baptistam Episcopum Neritonensem, Johannem Antonium Episcopum Aletii, Hadrianam nuptam Ferranti Castrioto Duci S. Petri in Galatina præclarissimæ gentis, nepoti Scanderbegi Albanix Principis, suique ævi in Turcas Imperatoris strenuissimi, Dianam nobilissimo Duci Castrovillari Ferranti Spinello nuptam, alteramque Paulo Caracciolo Marchioni Mesuracæ, & Antoniam Johannis Baptistæ de Marra uxorem.

Johannes Bernardinus II. Dux Neriti, cum

Ca-

Carolo V. Cæsari Bononiæ inter Coronationis solennia obviam factus esset, statim eum iussit caput tegi; tanta erat apud Cæsarem Ducis fama, atque existimatio. Vix autem Carolus Neapolim ingressus Neritonensem Ducem conquisivit, ac familiarissime secum habuit, quem ad bellum Hungaricum antea & socium, & ducem eximium fuerat expertus. Neritum denique se recepit, ubi improvisa in eas oras piratarum Turcorum descensione, & invasione domus suæ oppressus; vixque spatium ex lecto, in quo recumbebat, se excutiendi nactus, dum ex ædibus per pontem in vicinam se recipere Turrim festinat, ponte rupto in solum delapsus, & exanimatus est (78).

Franciscus filius ex Johanna Cajetana ortus, æmulari paternam gloriam aggressus militarem disciplinam, & gestis, & scriptis collustravit. Nihil sibi optabilius accidere profitebatur assidue, quam cum Turcis manus conferre. Itaque Hydrunti, Barii, Tarenti, & Callipolis sæpe cum eis conflictatus est, semperque fregit. In Ostiensi bello cum Albæ Duce non solum stipendia meruit, sed Ducis insigne commendatissimum expressit. Filium nactus ex Isabella Castrionta Johannem Bernardinum II. Neriti Ducem IV. iis eruditivis institutis, quæ ad usum Reipublicæ pertinent. Magno Princeps ingenii acumine, imprimisque clarus, gloriari solebat, dum quies Italiæ insideret, se sine ullo munere adeptum esse omnia, quæ haberentur amplissima. Annam Loffredam nobilem Ferdinandi Trivici Marchionis filiam in uxorem duxit, ea-

d

que

78 Illustrioribus Italiæ Ducibus adnumerant Ammiratus, Campanilius, Zazzera, & Jacobus Wilhelmus IM-Hof.

79 Ammiratus, Campanilius, & Zazzera ibidem.

que absque filiorum propagatione concessa, cum Catharina Toralda Pauli IV. Romani Pontificis nepte secundo junctus est, susceptique filii Belisarius II. Neriti Dux V. Franciscus, Gaspar, Vincentius, Hadriana, Isabella, liberis omnino, posterisque caruerunt, quibus commune foveretur solatium, & memoria gestorum Parentum suorum jucundius proderetur.

Itaque ad Andreæ Matthæi III. Adriæ Ducis VIII. filios revertentes, primogenitum videre est Johannem Franciscum Marchionem *Bitunti*. Dorotheam Gonzagam Friderici Mantuæ Domini gnatam, neptemque Principis Altiliæ Friderici Regis loceri, sibi jungens, dono insigni per ea tempora pondo mille auri a Rege excepto, & suorum alacritatem excitavit, & opes familiæ ampliores reddidit. A Ferdinando vero Rege cum Pontifice Julio II. florentissimo exercitu in Gallos comparato Dux inter primos Bitunti Marchio electus est, & quum ad arma anno 1512 ventum esset, in Ravennati pugna cum Gallorum exercitus Duce Gastone Fuxensi commissa, non prius destitit, quam inter mortuorum cadavera animam agentem Galli coepissent (80). Priorique libertati vindicatum, in virtutis suæ honorem Rex Hispaniarum ipsum, nomenque suum benignissimis decretis adornavit.

Romanus quoque Pontifex Julius II. sanxit, ut præter solitum duobus aliis tegumentis caput, acceptis vulneribus undique attritum, in Ecclesiis obvolveret; & ubi ipse moraretur, omnis campanarum sonitus interdicetur (81).

Ger-

80 Guicciardini lib. 10. hist. Ital.

81 Factam illi hanc potestatem testatur Ammiratus, & Zazzera a Romano Pontifi-

ce, pro quo certamen commiserat Ravennæ, ne cerebrum antea vulneribus quasiarum clamoribus, ac ignis quateretur.

Germanus suus Johannes Antonius *Joja* Comes, & Adriæ Dux IX. qui Isabellam amplissimæ Spinellorum familiæ duxit, toto orbe Sapientiæ fama celebratissimus Romano præcipue Pontifici Clementi VII. mira familiaritate adstrictus, ad quem literas sæpe misit, in quibus præclaro poemate suo Sannazarii opus *d. Partu Virginis* commendavit (82). Alii germani fratres, Johannes Baptista Dux disertissimus, & Johannes Vincentius post Melphiensem Ecclesiam, & arcis S. Angeli præfecturam sapienter administratam inter Purpuratos Patres cooptatus a Paulo III. (83) quo cum jura sanguinis intercedebant ex Julia nepte Bertoldo Farnesio nupta, familiam suam apprime excoluerunt.

In Ducis Johannis Antonii sinu, indulgentiaque educatus Johannes Heronymus I. Adriæ Dux X. per omnem nobilium artium cultum pueritiam, adolescentiamque transegit. De eo solemne habuit confiteri Alfonso Cambi Eques ornatissimus, ac Scipio ipse Ammiratus (84), quibuscum familiariter frequenter egit, quod de Scipione Africano Cato dicere solebat, solum ipsum nosse omnia, cæteros alios velut umbras effugere. Studium philosophiæ acrius, quam concessum Principi, pertractavit, retinuitque, quod est difficillimum ex sapientia modum. Prima castrorum rudimenta in Italia didicit; nec licenter more juvenum, qui militiam in lasciviam vertunt, neque segniter ad voluptates, & commeatus titulum imperatoris,

d 2

& in-

82. Recitat Poema Clæconius in Clemente VII. ac summi laudibus extollit.

83. Felix Caneletius in Elencho. Aubery in vita, Panvinus, Ughellus, & Caragnus in Catalogo Episc. Melphis.

84. Videbis Ammiratum, qui cum eo familiarissime egit; ejusque plura opera typis edita vidit, præsertim tertias quasdam rimas juxta Ovidii fastos, in quibus de celestibus corporibus agit.

& infcitiam retulit, sed noscere provinciam, nosci exercitui, discere a peritis, sequi optimos, nihil oppetere ob jactationem, nihil ob formidinem recusare, simulque anxius, & intentus agere. Non sane alias exercitatio, magisque commendatus, quam in bello fuit, quod contra Turcas in sacro foedere Dux Adventitiorum concordi omnium Europæ Principum sententia cum Ducis exultatione, tum suimet splendore sanguinis electus, administravit. Quæ dum consiliis, ductuque ipsius acta fuere, summa rerum, & recuperatæ provinciæ in ejus gloriam cesserunt (85).

Nec spem modo, ac votum, sed ipsius quoque voti fiduciam, ac robur publica felicitas a fratrum, ac filiorum suorum institutione fumsit. Porro germani Andreas Matthæus IV. Archiepiscopus Cusentinus, Antonius *Casamaximæ, Rutiliani*, & *S. Nicandri* dominus, Claudius primum in aula S. Pii V. Pontificia enutritus, postmodum in Societatis Jesu Religione triginta novem annorum cursu Præses Generalis, decus, & præsidium (86), ac Dorothea soror scientiarum omnium cultu celebrata, dederunt certe magnum institutionis fructum, & sicut vetustior ætas vidit, quid ultimum in animo foret pro virtute adipiscenda, ita ipsi quid in ea jam adepta. Pari ambitione certarunt ab Antonio mox laudato geniti Marcus Antonius, ac Vincentia. Primus eadem animi contentione literas, atque arma per-

85 Ammiratus Scriptor eorum, Campanilius, & Zazzera summæ gloriæ tanti Ducis adfuerunt, quod eum Equitem, Principesque ex Europa cuncta ad sacrum foedus sponte convenissent, in eo solum acriter dissentiebant, quis eorum Dux foret, cui sese subicerent. Quod usque adeo discutatum fuit, donec Adrix Dux Johannes

Hieronymus proponeretur, ejus imperio statim omnes militiæ sacramento sese obstrinxerunt.

86 Videndi sunt Morell in *Distion. hist. Crit.*, & passim PP. Societatis, qui omni ævo tamquam Societatis columnam habuerunt.

pertractabat. Secunda vero incredibili eruditione referta, linguarum græcæ, latinæque peritissima virilis maturitatis robur præ se tulit. Marchioni Biteſti & Caraphæorum præclariffima gente nupſit, quumque ipſa, uti Marcus Antonius prole penitus caruiſſent, bona omnia ad Joſiam II. Adriæ Ducem pertinere decretum fuit (87).

Per idem tempus Johannis Hieronymi I. filii flourerunt. Et Albertus quidem Adriæ Dux XI. cum Beatrice Lanoja Sulmonenſis Principis ſore matrimonio copulatus ſemitam longe ſtravit ceteris germanis ſuis virtutis, atque exemplerum. Hadrianus, ſecundo loco natus Cupeſani, Neritique domum iterum reſtituit (88).

Johannes Antonius Venetorum Reipublicæ ſtipendiis adſcitus Dux fuit gloriſſimus (89). Rodolphus Societatis Jeſu lumen ſplendidiffimum in Indiis Orientalibus anno 1583 Martyrii lauream adeptus eſt (90). Horatius militiam ſectatus cum genitore, in memorabili pugna navali apud Echinadas Tribuni officio præſenti animo functus, ex ea pugna cum incolumis ex hoſtium manibus evaſiſſet, monaſticam ex voto apud Ciſtercienſes vitam anno 1576 profeſſus eſt, Eccleſiaſticaque diſciplinæ ſtudio præſtans, mox Calatiæ Eccleſiam adminiſtravit (91). Julium vero & Octavium Cardinales, & Romanæ Eccleſiæ, & totius orbis
fama

87 Jacobus IM-Hof loc. laud. & Zazzera ex Ammirato.

88 Idem IM-Hof.

89 In Coreysa obiit Venetorum exercitus duſtor. Zazzera, & Campanilius.

90 Quem Beatorum albo adſcribi curavit Eminentiſſ. Cardinalis Franciſcus Aqua-

vivus, ſed ſato correptus perſequi non potuit, quod quamprimum a conſanguineis ſuis perſiciendum eſſe ſperamus. In Indiis Orientalibus die 5 Julii 1583 ſagittis conſoſſus obiit.

91 Ferdinandus Ughellus in Italia Sacra Tom. 6. p. 381.

fama fastis æternis consignavit. Julium enim S. Pius V. a quo fuerat electus, virtutis & sanctitatis rumore spectatissimum, dum animam ageret præsentem voluit, & ab eo in extremo agone corroborari (92). Octavius vero scientiarum, ac linguarum omnium publice lauream adeptus Perusii, a Sisto V. Romano Pontifice Romam arcessitur, variisque magistratibus gestis, Patrimonia Divi Petri, deinde Sacro Palatio præfectus fuit. Quæqua versus frequentatus laudibus, a Gregorio XIV. Cardinalium Collegio adscribi promeruit, & Campaniæ legatus transmitti. Mox Romam revocatus a Clemente VIII. nihil absque eo decretum. Cum vero Gallia intestinis bellorum procellis quassaretur, legatus Avenionem designatur, ubi mira dexteritate publicas res, & Ecclesiasticas complexus fuit. Romam reversus ovans a Leone XI. Neapolitanus Archiepiscopus renunciat, eamque Ecclesiam omnibus liberalitatis, ingenii, sapientiæque artibus locupletavit. Extincto Monasterio S. Mariæ de Angelis a Paulo V. redditus omnes Cathedralis Ecclesiæ Capitulo addixit. Suppellectilem etiam xx. mille aureorum Monti Pietatis Neapolis legavit*. Quodque mirandum de eo fuit, in Comitibus Pontificiis, in quibus Innocentius IX. Clemens VIII. Leo XI. & Paulus V. creati sunt, ea dexteritate se gessit, ut ab ejus ductu omnes pendere tutum reputaverint (93).

Utque hæc secundo rumore per Italiam ferebantur, ita Johannis Francisci filius Julius Antonius II.

Co-

92. In laudem Julii Poema scripsit Johannes Baptista Amalthei Caraculov in vita S. Pii V. Cabotius, & Cabrera. Clacconius, & Viñorellus in S. P. V.

* In atrio Montis Pietatis Neapolis Est.

figies marmoreæ cum Epigraphe intusculpa de eo fuit.

93. Joseph Castillonius carmen de eo edidit Andreas Viñto rellus in additione ad Clacconium.

Comes Cuperfani prompto ad honores capeffendos aditu, patruī, patrifque fui, non fine dignitate, cultuque mores expreffit. Ex Catharina Ratta avi fui Andree Matthæi Adriæ Ducis VIII. uxore fummis auctus eft opibus. Iſta enim ex fraterna ſucceſſione, *Caferte, Aleſſani, & S. Agathæ* Comitiffa aliorumque locorum domina facta univerſa bona ſua in Julium Antonium virum tranſtulit per donationem, & favore matrimonii, quod is cum Anna Gambacurta contraxit (94). Ad Gallos autem converſus, qui Duce Lauthrechio in regnum ſe effuderunt, licet ſeuda omnia fifeus adrogaffet ſibi poſt actum ab Hiſpanis triumphum, re tamen in Regis Conſilio exacte perpenſa, iterum vindicavit (95). Memoriarque proditum eſt, quod cum Dux glorioſiſſimus Aſcanius Columna ob poteſtatem ſibi a Rege factam, Adriæ Ducatum capere aggreſſus eſſet, vix auditum fuit ad Cellinum oppidum adventaſſe, mira animi præſentia mulieres ipſæ præſto exercitui fuerunt; ejecerunt, fugaruntque. Quod ingens fane facinus grati animi memoria Andreas Matthæus, ſuique omnes perpetua veſtigialium exemptione munerarunt (96). Julii Antonii germana ſoror iifdem temporibus memoratur Iſabella Aquaviva S. Benedicti Cuperfani Ordinis Ciſterciensis Abbatiffa, ad quam anno 1569 5 Auguſti a S. Pio V. literæ datæ fuerunt, quibus perantiqua juridiſdictio confirmabatur, quam Abbatiffa mul-

94 Zazzera, & Campanillus hæc bona in Julium Antonium II. tranſiſſe fatentur expuſitione habita cum Andrea Matthæo & Catharina Ratta uxore, dummodo ipſe Julius matrimonio copularetur cum nepce ſua Anna Gambacurta, cum dote XIV. mille aureorum;

95 Ex decreto authenticæ S.R. C. Neapolis 1529 probat Zazzera, & Campanillus loc. laud.

96 Facinus hoc tamquam ſingulare perpetuū majorum traditione conſtare teſtatur mox laudati Zazzera, & Campanillus.

multis retro annis exercuerat in clericos omnes Terræ Castellanae (97).

Julii Antonii filiorum natu major Johannes Franciscus II. quo tempore Galli Neapolim obsidione clauferant, cum eis arma conjunxit. Et initio quum tam prona omnia, quam postmodum aduersa habuissent, paternam sectam, sed non æquam sortem sequi adactus, in Galliam, patriam, avitisque bonis omnibus posthabitis, se contulit. Turmæ Cataphractorum ab Henrico II. Rege præfectus, & Eques Ordinis S. Michaelis creatus, Commendæque insigni, ac duobus Oppidis in Bria, ac Conterobor donatus fuit. Adhuc autem Regni rebus perturbatis Camillam Caracciolam inclyti Melphis Principis, Galliaque Marscalli filiam duxit. Austusque est ibi filio, filiaque in subsidium simul, & solatium (98). Josias filius morte immatura, vix tredecim annos natus, præreptus, Gallicæ liberalitatis fructibus diu frui non potuit. Anna autem soror in gynæceo Reginae Catharinae Medicæe educata Ludovico Dijaceto nobilissimæ stirpis Florentiæ, Galliaque quæsito Comitatu Castri Villani nupsit (99). Ex eo Scipio filius, clarique postea Principes de Amblise, Marchiones de Sy, & Comites de Bourlemont orti ad nostra usque fere tempora, quibus jam genus illud defecit. Aquavivo nomine, omnibusque insignibus primorum Gallia Magnatum functi sunt (100).

Porro iisdem temporibus, in quibus Johannes Fran-

97 Præter Claeconium in S. Pio V. scriptum quoque reliquit Lamberinus de Jure Patron. art. 1. quæst. 1. p. 1. lib. 2.

98 Zazzera, & Campanillus ibidem.

99 Jacobus Wilhelmus IM. Hof in Ex-

gesi hist. laudata. Notatque Ammiratus, & Zazzera.

100 Cuius aliis multis fide omnia profequitur Garmuccius in hist. Genealog. Thul. & Umbriae tom. 3. p. 314.

Franciscus in Neapolitano Regnō, & in Galliis verfabatur, germanus Balthasar difertus, & facile laborans, quod in patriis erat moribus, Hispanorum Regumcausam non gravate, sed gratuito defendens summa ope nifusest, ut Regibus suis Carolo V. Imperatori, & Philippo II. ejus gnato fidem studiumque suum probaret. Itaque priori in bello Senensi contra Gallos, posteriori vero Ostiensi Regis, Regnique fines fortiter tutatus est, ad Truentum contra Germanum ipsum frequenter acies instruxit, ne datam fidem frangeret. Unde beneficia, & patrocinia Regis sui late patuerunt, *Bellantis*, & *Casertæ* ditionem excepit, & super iis Marchionis titulo auctus est (101). Mox filiis suis anno 1542 ex Hieronyma Cajetana Morconis Comitis gnata susceptis de ampliando imperio plura, ac majora destinata fuerunt.

Major enim natu Julius Antonius III. celeberrimam Victoriā Lanōjam Neapolitani pro-Regis neptem anno 1569. duxit, & in ejus gratiam Rex Philippus II. Casertam Principatus dignatione mactavit (102). Germani vero, Franciscus turmæ peditum bis mille Tribunus in Calabria constitutus contra Turcas, assidue se invictum a laboribus militiæ præstitit, constanterque contra eos dimicavit, & Marcellus Archiepiscopus Hydrunti sacrorum disciplinæ operam navavit admirabilem (103).

Nati ex Julio Antonio Andreas Matthæus IV. Casertæ Princeps II. & Bellantis Marchio III. Balthasar II. Regni Thesaurarius, Carolus, & Petrus, Duces

e

præ-

101 Apud Zazzeta, Ammitatum, & Campanilium, qui pro Hispaniæ Rege exercitum propriis sumibus comparasse tradunt.

102 Ex Regesto Regiæ Cameræ circa

annum 1569, quem utpote in tranquillitate Italiæ ortum decora omnia complexa fuerunt, ut adnotat Ammitatus.

103 Ughellus in Archiepif. Hydrunt.

præsentissimi, in eo studio proferendæ domus elaborarunt quam maxime. Etenim Princeps Andreas Matthæus in Hispanias cum Comitissa Lementium aggressus iter, Principes omnes stupore corripuit ob inauditas plane opes, apparatusque in Europa invisos; ad eosque spectandos frequentes ex Hispania cuncta Principis Aquavivi domum adibant (104). Maximis stipendiis (per ea potissimum tempora) aureorum quinque mille annuis a Rege Philippo donatus, in Flandriam exercitus tulit. Inde in Frisiam profectus, nulla ab ipso virtutis gloria, nulla imperatoriæ artis magna exercitatio in eo bello absuit. Nec multo post Timbergam se contulit, oppidumque munitissimum oppugnavit. Quumque in Belgio bellum ingens ab Imperatore Maximiliano gereretur, Grollam urbem in Gueldria, natura, arteque armatam mira dexteritate expugnandam tradidit. Pro quibus ab Imperatore Maximiliano II. humanissime complexus, cum Principissa Anna Polixena Prenestain Comitissa de Furstemberg Cæsaris ipsius agnata nuptias solemnî pompa celebravit; & ab Archiducis Alberti Austriaci manibus, quo cum jura sanguinis contraxerat, aurei Velleris insigne accepit (105).

Cum

104. Opes, & magnificentiam Cæsaris Principis, miræuli loco adscripsit Ammiratus scriptor coxvus, & Zazerra.

105. Ut primum ex Germania cum Uxorē reversus est Andreas Matthæus ad summum splendoris evectus, binæ in eum lites illatæ fuere super Cæsaris Principatum. Prima a Duce Ramirez tamquam Regis donatario, qui Cæsaris Principatum ob adrogationem a Fisco factam obtinuerat dono. Altera vero intenta ab heredibus Anæ filiz Johannis Francisci II. in Gallia degentis, qui vi decreti absolutionis Andreæ Matthæi ipsi deberi tamquam ex primogenito descendentiis propugnabant, tum etiam quia

ex passione inter Gallos, Hispanosque sancta, in integrum, ut cum aliis in Gallis, Hispanisque regnis vicissim versantibus conventum fuerat, restitui querebant. Omnem lapidem moverunt, litesque in judicio fuerunt. Sed cum ex parte Principis Andreæ Matthæi oppositum fuisset, possedisse Principatum ex dotalibus juribus Proava viduæ Julii Antonii II. in summa aureorum xlv. constitutis, nihil plane reliquum visum fuit, quod hujusmodi creditoribus, & heredibus ex Principatu prædicto detractum adjudicaretur. Totum liquet ex actis in S.R.C. Neapolis judicationis confectis, apud Zazerram, & Campanilium.

Cum vero solam filiam Annam ex priori uxore Isabella Caracciola suscepisset, ditissima totius fere Italiæ hereditas proximis agnatis accessit. Casertæ solummodo Principatus ex Annæ Filiæ dotalibus donis nobilissimo Francisco Duci Sermonetæ nuptæ, in Cæjetanam familiam transiit (106).

Interea non prætereundum ex Alberto, & Adriano filiis Johannis Hieronymi I. Domum Adriæ, & Cuperfani fuisse restitutam. Adriano enim Genitor annuente filio natu maximo Alberto Comitatum Cuperfani transcripsit. Fuisse fertur Adrianus vir strenuus, & qui ob potestatem sibi a Comite de Miranda pro Rege Neapolis factam purgandæ ab innumeris latronibus universæ Aprutii Provinciæ, plura agmina peditum, equitumque in eos duxerit. Cujus constantia, ac fama ferocis exercitus effectus, nihil virtuti suæ invium, penetrandos aditus, inveniendumque tandem illorum domicilium, ac receptaculum. Fuit atrox in ipsis adituum angustiis prælium, pulsi tandem hostes, fracti fuerunt, ac longius ejeti.

Ejus natus Julius Nucum Dux Neritique, ac Comes Cuperfani Catharinam Aquavivam Belisarii II. filiam, & hæredem duxit, domumque Cuperfani pingui patrimonio excitavit. Ab eo ortus Johannes Hieronymus in bello Italico contra Gallos, & præcipue in obsidione, & expugnatione Plumbini, & Portus longi, cui una cum filio Thoma Equestri militiæ præfectus interfuit, impigre ac feliciter se gessit. Eaque Cuperfani Domus, quæ consecutis temporibus fuorum claritate ad summum dignitatis culmen evecta

est, modo clarissimi Cuperfani Comitis Julii Antonii posthumi singularibus ubique Europæ Principum virorum artibus spectatissimi, adeo amplificata est nostris temporibus, ut haud immerito principem locum in Regno sibi asseruerit (*).

His itaque rerum omnium affluentibus copiis ditatus Princeps Albertus, longe conspicuus filiis suis evasit. Primogenitus Josias II. Adriæ Dux XII. & Interamnæ Princeps Margaritam Ruffam e Principibus Scyllæ ortam sibi junxit, & Josephum Germanum optimis artibus Reipublicæ eruditum Romam transmisit. Quod viri subactum judicium statim perspectum probatumque Romæ, Hispanicæ legationi designatum fuit (107); & ni immatura morte præreptus esset, processisset honoribus longius. Margarita soror nobilissimo, ditissimoque Magdaloni Duci Diomedii Carafæo nupsit, Dorothea altera inclyto Abellini Principi Camillo Carracciolo (108).

Vim autem illam, potentiamque principatus amplissimi Josia genitus Franciscus Adriæ Dux XIII. non ostentavit solum, verum etiam fovit, auxitque. Cum Anna Concubletta Arenæ Marchionis gnata nuptiis copulatus, primoribus Italiæ Principibus consanguinitate proxime conjunctus est (109).

Germanus vero Cardinalis Octavius Julii, & Octavii senioris Cardinalium nepos, post obitum Jo-

se-

* Fusius prosequitur omnia circa inclytam Cuperfani domum ab Hadriano excitatam sæpe laudatus Jacobus Wilhelmus IM-Hof usque ad hodiernum Comitem Julium Antonium belli potissimum artibus ad miraculum eruditissimum; & vocat Zazzera, atque Campanillus in Hadriano, & Julio filio cum Catharina Aquaviva nepte

matrimonio sociato.

107 Cizeonius in Innocentio X. De Cardinali Octavio Aquav.

108 Zazzera, & Wilhelmus IM-Hof loc. laud.

109 Videtur Scipion. Admiratum in familia Concubletta, sive Arenæ, Altimarus, & alios.

sephi Archiepiscopi Thebæi Romam venit Urbano VIII. P. M. Ecclesiam gubernante, cui statim a cubiculo, ut aiunt, honorarius inserviit. Mox ab Innocentio X. Aquarum Tribunali a secretis adfuit, & Signaturæ justitiæ iudex. Patrimonio vero Divi Petri præfecto, partum ei rerum gestarum gloria purpuratorum patrum insigne Innocentius X. pronunciavit: Quum autem Legatus Apostolicus in Flaminiam profectus esset, Christinam Suetiæ Reginam regio apparatu Alexandri VII. R. P. nomine in principatus Romani finibus excepit. Rumor est, quod maximi animi Princeps Urbem veterem contra Parmæ Ducem potentissimum tutatus fuerit, & ingressu prohibuerit. Conclavis quoque libertatem contra illos vindicavit sepius, qui etiam minis opprimere conabantur (110).

Francisci natu major Josias III. Adriæ Dux XIV. præstantissimam Franciscam Caracciolam Iosephi Principis Torellæ filiam uxorem duxit; cumque ob mortem Marchionis Arenæ vacuum factam hereditatem defuncti amitinus apprehensurus in Calabriam profectus esset, fato ibi concessit, eamque gnato suo Johanni Hieronymo fruendam reliquit (111).

Itaque primigenus Johannes Hieronymus II. Adriæ Dux XV. & Interamniæ Princeps IX. post exercitas domi, militiæque res amplissimas Launoiam Ludovisiam splendidissimis natalibus ortam sibi junxit (112). Idque matrimonium ad majora nitenti decus ingens fuit, ac robur. Vixeruntque mira concordia per

110 Ciacconius in ejus vita sub Innoc. X.
111 Diserte animadvertit rerum Italicarum diligentissimus Scriptor Wilhelmus IM-Hof in sua Exegeſi hift. Gentis Aquav.

112 Accurate in suis Tabulis Hift. Genealog. describit IM-Hof, quæ totam familiam usque ad Principem Dominicum præsentem Adriæ Ducem XVI. complectuntur.

per mutuam caritatem, & invicem se anteponendo. Immatura morte sublata Principissa Ludovisia secundo nupsit Eleonoræ Cecilia Spinellæ ex Vici nobilissimis Marchionibus, Ducibusque de Aquaro, & Tarsia Principibus, ortique ab illa Dominicus Adriæ Dux XVI. & Interamniæ Princeps X. Trajanus, Rodolphus, Isabella, alique (113). Nec multo post Princeps Johannes Hieronymus bello providus, & fortis, cum Italia novis bellorum tumultibus, & post longam seculorum seriem repetitis afflicta esset, & ipse Vicaria potestate per Italiam universam fungeretur, medios inter dimicantes exercitus in Hispanias transmigravit. Quumque infinitam prope bonorum jacturam passus esset, Hispaniarum Rex Philippus V. & honoribus, & annuis redditibus opulentissimis compensavit.

De Francisco Cardinale omnis ævi, omnisque memoriæ facile Principe differentibus, haud opus ingenio, sed memoria, ac recordatione. Maximis provinciis per quinquaginta fere annos impositus non modo par negotiis, sed supra semper fuit. Nova non sunt, quæ in Hispaniis Legatus Ecclesiæ pro Apostolicæ Sedis amplitudine, quæque postea Romæ Hispani Regis nomine, pro illius, atque Regnorum dignitate æque contulerit. Seculi nostri deliciæ, atque ornamentum, quem amorem in Patriam suam ostenderit, ignotum non est, cui in extremis constitutus pretiosiores auri, argenti que supellestiles legavit (114).

Do-

113 Quos complectitur eruditus IM Hof in suis tabul. Geneal. famil. Aquav. ibidem.

114 Ex ejus testamento publice divulgato, in quo præter alia pia legata candelabra argentea auro contexta, miræque elaborata Divi Januarii Ecclesiæ (vulgo dictæ il Te-

fere) Neapolis, quem ubique veneratus fuerat, intervinda perpetuo reliquit. De ejusdem egregiis facinoribus, non rumor est solum Romæ, atque in Hispaniis, sed traditione posteris commendata, perpetuo omnium animis infixæ memoriæ hærebit.

Dominicus autem Princeps, & Rodolphus hisce parentibus eruditi, quum in Hispaniis magnifice versati sint, petitione tamen honorum abstinuerunt per ambitionem præposteram. Breviusque iter crediderunt amplificandæ avitæ claritudinis militiæ nomen dedisse. Utque nonnullos favor solummodo, aut nobilitas, ita hosce dexteritas, labores, assiduitas, gestæque res eximæ ad famam protulerunt. Quæ proinde in Hispaniis, in Italia, in Sardinia, in Sicilia, & in Africa factitarunt, quæ adgnationis jura cum Principis Pii Catalanæ pro-Regis filia Princeps Dominicus junctus splendidissima contraxit, quæ munera obivit, quos honores bello, ac domi elicuit, quæve Romæ, & in Romano Principatu Tajanus Princeps & ipse amplissimus, quem numquam satis vi, majestatem, atque auctoritate expressimus, uti uberiores historicæ dissertationis molem sibi vindicant, sic, cum superis placeat, alias consulto aggrediemur.

Interea non omittendum decus ingens, quod Isabella germana præstantissimo Balneoli Duci, ac Forani Principi Philippo Strozio nupta familiæ suæ adjunxit. Stroziorum enim gentem a primis ipsis Florentinæ Reipublicæ cunabulis exploratum est, non Italiæ modo, sed Europæ totius fines non tantum castris, armisque tenuisse, quam fama, ac triumphis. In Gallia præsertim fide, atque auctoritate sua tot expeditionibus, tot præliis, seu fortitudine adversus hostes, seu patientia, ac labore pene adversus ipsam rerum naturam opus fuit, singulare nomen frequenter adepta est. Mirum autem, quod secundæ res lætitia, ac dominatione tantos Principes transversos trudere numquam

valuerunt a recte intelligendo, atque consulendo. Principum amicitia, Regum quoque ubique Europæ incla-
ruerunt. Initio vero Principatus Florentini unus &
alter Philippus præclare commune Majorum suorum
desiderium expleverunt, quod nobilissimis Italix fa-
miliis consanguinitate copularentur. Junior enim cum
Clarice Medicea, Galliarum Reginæ Catharinæ ami-
ta, sociatus matrimonio, Carolum V. Cæsarem do-
mus suæ Florentiæ, tamquam unius orbis Terræ mira-
culi, atque immensarum opum spectatorem, & lauda-
torem habere promeruit. Ex eo ortus Petrus unus ex
quatuor Galliarum Marefcallis ab Henrico II. Rege
creatus, & Leo nepos ad Solimanum II. legatus pri-
mum profectus est, postmodum paternis sumtibus in
eum classem tulit. Secutæ sunt aliæ conjunctiones cum
Sabelliis, Frangipanis Tullæ, Fliscis, & iterum ac
sepius cum nobilissimis Corsinis (115).

Quamquam igitur omnis virtus homines ad se al-
licit, facitque, ut eos diligamus, in quibus ipsa inesse
videatur, nihil est tamen amabilius, nec copulatus,
quam cum morum similitudine sanguinis ipsa conjun-
ctio. Cum itaque Aquavivum genus omnes omnium
claritates semper complexum sit, ultimus quasi cumu-
lus ceteris splendoribus accessit, ut inclytæ Strozio-
rum familiæ copulatum, cum gloriosissima quoque,
clarissimaque Corsinorum gente, cujus auspiciis uni-
versalis modo Ecclesia, CLEMENTE XII. incredibili felici-
tate regnante administratur, aliqua adfinitate con-
jungeretur.

ORA-

115 Videtur Eugenium Gamurrinum in
hist. Genealogica Etruriæ, atque uberius
animadvertere est omnia authenticis Scri-

pturis firmata in celeberrima Bibliotheca
Stroziana Florentiæ.



M. Ferris Sc.

ORATIO PANEGTRICA.



ENERI hominum illud profecto est prope natura datum, uti qua in familia laus aliqua forte floruerit, hanc fere, qui sunt ejus stirpis, quod sermo hominum ad memoriam patrum suorum virtute celebratur, cupidissime persequantur.

Quibus hi rudimentis, ac veluti præceptis instructi, quamvis parentes quandoque suos numquam viderint, tamen & natura ipsa duce, quæ plurimum valet, & assiduis domesticorum sermonibus excitati, in paternæ gloriæ similitudinem deducuntur. Multa gesserunt postmodum præclara, multa contraxerunt, magnas partes

A

ha-

habuerunt negotiorum publicorum, frequentissime crediti sibi populi fuere, in pluribus Provinciis eorum versatum est imperium. Quid plura? cum magnitudine animi; & sapientia vitam parentum, ac majorum suorum & consuetudine expresserunt. Non ita tamen longius processisse usu, experientiaque veterum ac recentiorum temporum compertum est, quin maximis supervenientibus quandoque causis, quod cum spe magna fuerat aggressum, id non exequi usque ad extremum valuerint. Licet enim delectaverit amplissimus civitatis gradus, sella curulis, fasces, imperia, triumphi, denique imago ipsa ad posteritatis memoriam prodita; Sollicitudo tamen aliqua, aut major quidam metus ab incepto cursu revocavit. Quo enim illa omnia nunc abierunt? ubi cœlo certantia opera defluerunt? Quid in omni retro fere Principum progenie? duo, tres in una domo, & vix fuerunt: in prima ipsa Julii nec ultra sextum etiam adoptio prorogavit. Claudiorum etiam inclyta progenies vix Imperii majestatem delibare, aut attingere potuit. Quandoquidem in unaquaque Republica infinita prope est multitudo eorum, qui aut propter metum pœnæ delictorum suorum conscii novos motus conversionesque Reipublicæ quærant, aut qui propter insitum quemdam animi furorem discordiis civium, aut seditione pascantur,

3
tur, aut qui propter implicationem rei familiaris
communi incendio malint, quam suo deflagrare.
Qui cum auctores sunt, & duces suorum studio-
rum, vitiorumque nacti, in Republica fluctus
excitantur, ut vigilandum sit iis, qui sibi gu-
bernacula patriæ depoposcerunt, enitendumque
omni scientia, ac diligentia, ut conservatis iis,
quæ fundamenta ac membra Reipublicæ jure
merito nuncupantur, tenere cursum possint, &
capere tranquillitatis illum portum, & dignita-
tis. Hinc propterea, qui ita se gerebant, ut co-
gitationes suæ, ac facinora optimo cuique proba-
rentur, Optimates vocabantur. Ex eorum autem
genere clarissimo, qui præ ceteris voluntati, com-
modis, fideique Reipublicæ sibi creditæ deser-
vire visi sunt, ipsi profecto Optimates clarissi-
mi, Principesque Reipublicæ haberi recte me-
ruerunt; quos omnia Reipublicæ causa perferre
paratos neque periculi tempestas, neque honoris
aura potuit umquam de suo cursu aut spe, aut
metu dimovere. Offenderunt quandoque apud
graves ceteroqui viros, sed populi rectis judiciis,
atque commendatissimorum Principum omni si-
gnificatione floruerunt. Hanc viam etsi aut aspe-
ram, aut arduam, aut plenam esse periculorum
& insidiarum non inficiat, cum majoribus præsi-
diis oppugnetur Respublica, quam defendatur,
attamen hæc via est, hæc ratio Reipublicæ ca-
pes-

peffendæ, imperiique, ac gloriæ aucupandæ. Quæ porro auctoritas in felicissimis potissimum Romanæ Reipublicæ luminibus tanta fuit, ut his tantummodo in theatro plauderetur, hi suffragiis, quod contenderent, consequerentur, horum nomen, orationem, vultum, incessum omnes venerarentur.

Dum hæc memoria repeterem nullum magis exemplum, aut luculentius afferri posse existimavi, quam illud, quod non recentibus modo, sed vetustissimis etiam temporibus Gens AQUA-VIVA monumentis æternis consignavit. Cum enim gens hæc immortalis, cujus memoria digna omnis imperii gloria semper fuit, octingentis potissimum ab hinc annis in Italia non unius modo Principis sui consiliis, auctoritate, & magnificentia constituta, sed perpetua majorum suorum virtute, ac sapientia illustrata decus & honorem suis omnibus, utilitatem Reipublicæ sibi commissæ incredibilem, incrementum virtutis, bonorum desiderio voluptatem prope divinam attulisset, una profecto visa est principem sibi locum inter clarissimos non Regni Neapolitani modo, sed totius orbis Optimates vindicasse.

Quod igitur nullo umquam tempore in Europa laudationis, atque admirationis genus prætermissum est, quibus ego modo viribus exequar? tanto profecto securius, quod neque si rem laude
di-

5
dignissimam verbis exornavero, nimius in de-
prædicanda illa videri possim, neque si magnitu-
dine illius vincar, metuendum certe habeam, ne
quid ex hujusmodi meritissima commendatione
ingenii culpa detrivisse existimer. Sed satis pro
virili mea factum arbitratus sum, immensum
opus laudabili consilio aggressum perficere; cum
ita de summis Principibus usu comparatum sit,
ut qui tantum res maximas recensuerit, satis
abunde laudasse videatur. Quis enim singula pro
merito prosequatur? Rem ne ipsam? at illam ut
incomparabilem virtute, prudentia singularem,
instituto honestissimam, eventibus gloriosissimam
judicamus, ita dicendi copia prorsus imparem.
An Principes ipsos singillatim? qui cum fuerint
præclare de Regibus omnibus, Regnis, populis,
privatisque hominibus meriti, & amplissima sem-
per honorum insignia per fidem, & industriam
consequuti, nihil ipsis dignius cogitari potest. For-
sitane causas? an quod utilitatem Patriæ ob oculo-
los, quod favorem bonorum omnium in consilio
habuit, quod de eximia, rectaque fama sibi, suis-
que relinquenda tantummodo studuit? quod
parem ad magnificentiam suos non verbis & ser-
monibus, quod cuivis in promptu, sed quod rari-
ssimum est, exemplorum studiis excitare vo-
luit? Sint sane hæc magna, quæ revera magna
sunt, ego autem illam in tantis opibus, tanta for-
tuna,

tuna, tanto sanguinis splendore liberalitatem in suos, memoriamque Reipublicæ ceteris virtutibus omnibus antepono. Quam in novo genere bonitatem inusitatam in claris, ac præpotentibus Principibus non modo aspernari, ac refutare, sed complecti etiam, & augere debemus. Et eo magis, quod videmus tantopere apud populos, Reges, atque Imperatores valuisse, ut nihil illi detrahi potuerit, quod non aut posterorum memoria revocaverit, aut Historicorum omnium consensus restituerit. Quoniam autem tam uberrimæ gloriæ segeti singuli ex hac familia mirabiliter responderunt, de omni ejusdem statu, de genere virtutis, atque insignium dicam, contendamque, si modo id assequi potuero, ut in hac confusa vetustissimorum temporum caligine nihil a me, quod ad rerum potissimum publicarum splendorem pertinet, prætermisum esse videatur.

Primum itaque eos, quibus est antiquitatis aliqua notitia, meminisse velim, quibus olim modis nobilium gentium dignitas proferri consueverit. Sunt qui profectum putant ex moribus quibusdam Germanorum, ex quibus omnem nobilitatis fontem in Italiam potissimum derivasse autumant. Verum ejusdem origo longe melius ab eo ritu repetatur, quo nobiles in Equitum, aut, ut olim loquebantur, in Militum ordinem cooptari mos fuit. Cujus equidem usus cunabula

bula possem plane luculenter ex antiquissimorum temporum latebris eruere . Possem ostendere , quo pacto apud priscos Germanos (quo eodem nomine etiam Sviones , & Gothi censebantur) sapientissimo instituto arma sumere suo arbitrio liceret nemini , nisi prius civitas suffecturum probavisset . Tum in ipso consilio vel Principum aliquis , vel pater , vel propinquus scuto frameaque juvenem ornabant . Ex quo facile licet conjicere apud gentes , quæ regnabantur , potestatem illam unius Regis fuisse , aut quibus ipse concessisset . Indequè mos processit , ut ætate adhuc Justiniani Cæsaris non esset apud Germanas gentes consuetudo , ut Regis cum Patre filius pranderet , nisi prius a Rege exterarum gentium arma suscepisset . Quod Audoinum Regem de Alboino filio respondisse historiæ testantur , profectumque mox Alboinum arma suscepisse a Rege Gepidarum Turisindo . Itaque nobilissimis quibusque Principes ipsi hunc honorem conferebant variis temporibus , & maxime inter coronationis solemnia , ut a Romanorum Imperatoribus frequentissime factitatum novimus ; sive etiam pridie illius diei , quo prælium insigne committeretur . Consecutis autem temporibus , quibus principes potestatem equites creandi etiam in amicos contulerunt , infinitus prope eorum numerus pro armata , togataque postmodum militia auctus est . Sed non de
iis

iiis sermo nobis est in præsentia , aliisque , qui fucato quodam nobilitatis splendore inter Equites adscripti memorantur . Sed ea lux nobilitatis , ac splendoris unicuique AQUAVIVAM gentem vel longissime intuenti oboritur , ut impossibile prorsus ejusdem principia inveniri agnoscatur .

Priscis enim æque , ac prorsus immemorabilibus Neapolitanæ Reipublicæ temporibus AQUAVIVA gens honorum insignibus onusta memoratur , perpetuæque Majorum suorum serie , Feudorum dignitate præstantem , ab antiquissima Aquavivi Oppidi dominatione , quo nullum majus principium in Italia jactari potest , egregium nomen traxisse eruditi omnes suspicantur . Quoniam autem in gravissimis illis temporibus , atque in ruinis everse , ac penitus effusæ Italiæ versamur , quonam pacto aggrediar ad illa maxima , atque amplissima , quibusve initiis sese protulerit , penitus ignoro . Ob sædam enim illam ex barbarorum excursionibus auctam Italicarum gentium calamitatem studiis ubique militaribus , uti liberalibus ipsis disciplinis apud plerosque obsoletis , cum undique tantarum belluarum impetu , atque exercitibus labefactaretur , hominibus etiam & summis ducibus partim ætate , partim discordiis , partim horrore inusitato consumtis , solam fere AQUAVIVAM gentem in dubia illa Italiæ tempora reservatam , diuturnoque studio laudis , fidei ,
ac

ac virtutis inflammata & Reges ipsi, & populi animadverterunt. Cum tot certamina aut ab aliis necessario fusciperentur, aut subita florentissimarum Urbium everfione incendia orirentur, genus istud ad labores minime impigrum, imo ad pericula subeunda pro suis fortissimum, ad usum, ac disciplinam militarem peritissimum, ad consilia ceteroqui prudentissimum, incredibile dictum est, quot exercitus fuderit, quot Civitates immaniter obsessas ac populas in libertatem vindicaverit, gentemque crudelissimam extremo exitio tradiderit. Ut primum igitur AQUAVIVUM nomen in Italia X. Ecclesiæ seculo intellectum est, Comitesque AQUAVIVÆ SANCIVS, TORTUARIUS, & ODDO spectati sunt, non multo post in celeberrimo RAINALDO animadvertimus vestigia prisca splendoris non pressa leviter ad exigui prædicationem temporis, sed fixa ad memoriam totius Italiæ sempiternam. Verum hæc aliaque, quæ ANDREAS à Friderico Cæsare Regni Neapolitani moderator constitutus perfecit, ita prætereamus, ut tamen intuentes & respectantes relinquamus. Ad RICCARDUM I. quia ipse ad se jandudum vocat & quodammodo absorbet orationem meam, contento studio, cursuque veniamus. Is enim fuit, qui tanta gloria, tantaque virtute & suis imperavit, & Regum suorum splendoribus operam navavit, ut vix alius quispiam in Europa

B

tunc

tunc temporis inveniatur , qui majori feudorum multitudinem gloriari potuerit. Minime vero dubitavit , quin difficillimis muneribus , & ex quorum administratione bonorum , malorumque publicorum haud exigua spes penderet, RICCARDUS præficeretur. Quamdiu enim Sicilia adversus hostes Caroli I. Regis defensa ab eo fuit , omnem formidabilis exercitus perniciem evitavit . Maximarum vero copiarum manus in Messanam potissimum eruperat , eamque fortissima obsidione clauferat . Clara itaque Civitas undequaque clausa præfidiis , circumdata operibus , machinis quatiebatur assiduus ; eique ad vim inferendam quidquid vel indignatio roboris vel obsidionis ratio subministrare poterat , diligentissime admotum fuerat . Jam obsessorum multos fama , aut morbi consumserant , reliqui numerum magis , quam robur retinebant ; quod laboribus adtriti , vigiliisque exhausti penitus ejecti . Adversus tot tantaque mala unus omnino constans RICCARDUS dux suorum , quos propriis stipendiis collegerat , imbecillitatem , metumque , animi sui firmitudine roboravit , hostesque tædio adfectos tandem obsidione repulit , regnumque ipsum factum tectum Carolo Regi conservavit . Quod quidem Regi mirifice placuit , quumque ipse exteris in nationibus versaretur , consentientibus omnibus Regni suffragiis trium-

triumphorum decus decretum fuit . Neque minus valuit Germanus Frater RAINALDUS II. quem Langobardorum severissimis legibus addictum , cum pro salute Reipublicæ maxima gerere lubentissime studeret, earum severitatis iudicii minime pænitebat.

Quo quidem politissimo Parentum suorum iudicio non minutim , sed assatim confertim que ab omnibus hausto non mediocria accesserunt honoris insignia CONRADO I. AQUAVIVO, qui postea publico nomine , & postquam Regni Neapolitani magna pars esse cæperat , gravissimis in negotiis frequentissima habuit , expressitque . A Roberto Rege egregiis novorum feudorum titulis decoratus, nec multo post stabulo Regio Præfectus , magnorum operum semper conscius , magnoque ingenio Princeps refrænandus potius à gloria , amputandaque plura fuerunt suæ amplitudinis studio , quo mirum in modum æstuabat , quam inferenda .

Nulla autem illustriore argumento multis ab hinc seculis patefactum esse putem , quanti sit vel ad communem utilitatem , vel gloriam in bono industrioque Principe civiles artes omnes splendescere , quam quod AVERARDUS I. & CONRADUS Sancti Valentini Comites posterorum memoriæ tradiderunt. Quid autem de CONRADO III. ac de BERARDO dicam , ut genus hoc ipsum

cognoscatur ? Tempus enim eximitur non multitudine tantum factorum, quam amplitudine, ut meminerit omnes existimaverintque rectius, quam ulla cujusquam oratione possit explicari : Tot legationes, tot Provinciarum administrationes, tot aliæ protectiones, quarum pars hic multo maxima enumerari non potest, quid aliud significarunt, quid aliud profecerunt, quam ut avitam suorum gloriam locupletarent ? Magnificentiam autem GUALTERII, qua multitudinem prope infinitam bonorum in Italia universa administravit, hic ego quomodo prædicem ? quam ille quidem cum non in propriam modo, sed subditorum quoque suorum utilitatem conderet, quid vicinorum ipsa conjunctio redoleret ? Quid cunctorum hominum fama loqueretur ? Hæc vero non loquuntur solum, verum etiam personant, quod illius comitate, prudentia, ac dexteritate frequentissima ubique celebritate, atque clarissima luce lætati fuerunt.

Quod si cetera omnia abessent, quæ incredibilem quandam AQUAVIVÆ gentis claritatem ostenderent, augerentque, satis probata omnium judicio videri posset ; quod cum tantam feudorum, ac subditorum multitudinem jactarent, & memorati Principes, & MATTHEUS I. ejusque filius FRANCISCUS viri ornatissimi, iis quidem non tantum imperio, quam, quod inter homines sum-
mum

mum est vinculum , fidei religione tenerentur .
 Eo enim imperio nusquam abusi sunt, quo majora
 insignia , aut bona extorquerent, aut iis tam-
 quam piscatorum , aut aucupum escis cetera om-
 nia obtruderent , quam Patriæ , suorumque
 commoda animo agitarent . Sed illo universitatis
 vinculo , justitiæ fundamento ac consorte , sine
 qua nulla res Rempublicam continet, sese Patriæ
 adstrictos devoverunt . Hinc porro licet durissi-
 mis temporibus suis quandoque clades , fames,
 vastitas ob oculos versarentur omnium , hæc po-
 tius subire, quam fidem exuere maluerunt . Non
 te jam ciebo Sagunte fidei erga Romanos ma-
 gnum ; sed triste documentum . Non vos nomi-
 natim referam Italiæ fidissimi populi ; qui parem
 ob causam ejusdem Annibalis, postquam ad sum-
 mum spei fortuna , ferociaque provecti , fraudes ,
 minas , constantissima fide sustinuisistis . Comi-
 tatæ olim profugos liberos Matres , suos maritos
 in exilia conjuges , propinqui audentes , constan-
 tes generi , contumax etiam adversus tormenta
 servorum fides . Sæpe excindi urbes suas , seque
 cum conjugibus , ac liberis , aris , focisque cre-
 mari pertulerunt , nullo alio precio exitus , quam
 fide data . Propriora nobis exempla , imo lucu-
 lentiora non solum ii mox laudati , sed MAT-
 THEUS alter LUDOVICUS , ac NICOLAUS AQUAVIVI
 suppeditabunt , nihil jam aliud , nisi fidem curan-
 tes

tes, cum subditos suos extra regnum constitutos ab Asculanis Picænis quotidie expoliari, vexari, immaniterque turbari audivissent, non sine magno dolore tulerunt; neque id omiserunt, quo satis factum esset eorum malevolentia, atque crudelitati. Regem Carolum II. ad apertum bellum ipsis indicendum adegerunt. Numquid hoc mediocri virtute effici potest, ut tanti Principes, & in tanta fortuna suorum, tanta oppugnatione maximarum rerum tanti ducant & afflictos, præsertim & absentes, ut vel oblivisci suorum non possint, vel si meminerint, jure gentium ipsis opem ferre teneri sese noverint?

Verum enim vero sicut hæ, aliæque virtutes amabiles omnibus grataeque probabantur, ita cum aliis consociatae, junctæque non modo delectantur, verum etiam admirationem expresse-
runt. Una, quam proferam adiciamque, exemplo erit Principibus existimatio. Non enim parum refert, qualis quis ab omnibus existimatur. Omnes enim nisi ita de præclarissimo ANTONIO I. suæ tempestatis Adriæque Duce felicissimo opinati fuissent, ut & posse omnia utilia agere, ac meditari, nihil, aut certe parum ex laboribus suis, industriaque suscepisset. Sic ab eo multas pugnas feliciter pugnatas esse habemus, quod plurimum auctoritatis in Duce foret. Novit plane Demetrius Albornotii Ægidii Cardinalis Romanæ

manæ Ecclesiæ Legati Nepos , quanti fuerit clarissimi Ducis contra Asculanos habita existimatio . Iterum ac sæpius , iterumque Galli testati sunt , quantum roboris Caroli II. copiis accesserit sua , quibus imperabat non minus auctoritate , quam Ducis eximii opinione . Hinc plane videor non eum dumtaxat fructum , quem à gratissimo Rege S. Flaviani comitatu , aliisque insignibus donatus exceperit , sed eum sane amplissimum retulisse à militibus suis , quorum ante oculos magnæ imagines , Gentisque existimatio obvolvebatur . Quæ quidem opinio omnium animis penitus infixæ LUDOVICUM II. Cuperfani Comitem adeo comitata fuit , ut in turbulentissimis Regni temporibus à Maria Regina amplissimo imperio contra ferocissimum Andriæ Ducem transmissus suorum animos ad gloriam imitatus mirifice prosequutus fuerit . Hinc plane mutuus amor successit & imperantis , & subditorum . Quot bella , & quanta suscepisse arbitramini ; quod cives sui , vel injuria affecti , quod à prædonibus spoliati , retenti , non ne bello prosequeretur , si opus esset ? si minus injuriam inultam , impunitamque minime dimitteret . Si qua proxima civitas , si qua natio exterarum gentium fecisset aliquid in civem suum , nonne publice vindicaret ? Tamquam enim majestate Romana stante olim Romanæ Reipublicæ imperio reolebatur nomen AQUA-

VIVUM, consternationemque ore, vultu, ac nomine ipso simulabat, abire alias in terras jubebantur, recusantes impellebantur. Potuisse autem hæc omnia per illa potissimum tempora ANDREAM MATTHÆUM I. Adriæ Ducem II. BONIFACII IX. ac Ladislai Regis consanguineum dubitari minime potest. Florebat opibus, auctoritate, Principum amicitia, studio populorum, rebus prosperrimis, quæ ferme ea sunt, quibus gentes maxime adjuvantur, publicaue suscepta patrocinia in multa licet rerum varietate facilius convalidantur. Quæ consecuta fuerunt eximiæ gentis suæ splendore, singula narrare superfedo. Unum, quod ad institutam orationem apprime pertinet, præterire non possum. Qui rebus suis, insignibus, atque ornamentis abunde fruebatur, ex Italiæ finibus maximo locorum intervallo, temporibus infestissimis excitus à Ladislao Rege, Johannam ipsius Germanam invictissimo Austriæ Duci Gulielmo matrimonio sociendam ad Germaniam est comitatus. Quis conjectura dicam, non oratione complecti possit, quæ Dux ANDREAS tot regiones, tot regna peragrando nobilitatis, atque existimationis vestigia reliquerit. Quem enim invenerimus, qui aspernetur oculis rerum pulchritudinem, non odore, ut ita dicam, ullo, non tactu, non sapore capiatur? Auribus excludat omnem suavitatem? Quæ omnia cum ad ip-

ipsam animi constantiam referantur, difficilius profecto erit, tantum hominem reperiri, qui sine casu aliquo, aut prolapsione ac ipsa rerum jucundissimarum varietate eam ingredi virtutis & gloriæ viam possit, de qua non modo infirma ætas, sed etiam corroborata ejicitur. Quamobrem multi & nostra, & majorum nostrorum tempestate summi homines clarissimique fuerunt, quorum cum effrænæ cupidines deferbuissent, eximiæ postea virtutes extiterunt. At vero inter Principes & splendore, & sanguine illustres unus plane excelluisse videtur ANDREAS MATTHÆUS, dicam enim confidentius, atque apertius. Vix autem in Patriam regressus, imperatorio munere Ladislai Regis exercitus functus fuit. Novitque Tarentum, qua nova belli gerendi ratione, quamquam ab hostibus aggressus esset, extemplo iis præsto fuit, extemplo quoque non modo certamen commisit, sed in ipsum discrimen aciemque descendit, succenturiatos quoque abditosque lace ssivit; nec prius destitit, quam hostes fusos, fugatos, castris exutos, in flumen, ac mare proximum demersos vidit.

Interea si oculos ad ANTONIUM II. Adriæ-Ducem III. convertamus, nihil plane reliquum esse potest, quod ad dignitatem nominis sui pertinere non posse videatur. Ut enim Ladislaus rebus regni compositis AQUAVIVI nominis opera, atque con-

C

fi-

filio, cum ad illud illustrandum grati animi memoria teneri sese animadverteret, ANTONIUM cum Maria uxoris suæ sorore matrimonio sociavit. Satis autem multa egregiæ familiæ, bonisque omnibus hæc esse debuerunt, non autem satis Regi ipsi visa sunt. Qui ad illam nuptiarum solemnitatem Neapoli plurimorum mensium spatio celebrandam, magnificentiam apparatus, comitatumque publica, regiaque pecunia supeditavit. Nonne hæc mira laus est, quæ non Poetarum dumtaxat carminibus, non annalium monumentis celebrata, sed prudentium quoque judicio expensa fuit? Audire adhuc videor, concursantes ubique per civitatem ordines omnes, publiceque festivis vocibus, non minus Regium nomen, quam AQUA-VIVUM resonare. A cæteris vero fratribus suis PETRO BONIFACIO IV. ac JOSIA V. Adriæ Ducibus non minus aliquid amplitudinis patratum novimus, qui non uni Provinciæ addicti, sed omnibus porro, quotquot e Republica forent, ea sane præfetulerunt argumenta splendoris, ut laudatissimo cuique oratori negotium faceßere videantur. Josias enim & navalibus expeditionibus pro Alfonso Aragonio Rege, & terrestribus contra publicæ tranquillatis perturbatores ad necem usque iterum, & sæpius evocatus, non libidine, non turpibus impensis cupiditatum, atque jacturis, non spe splendoris amplificandi labantem tran-

tranquillitatem patriæ excepit, corruere non fiv-
vit, fulsit, & sustinuit re, memoriamque pu-
blicam reliquis virtutibus omnibus anteposuit.

Qua quidem cura publicarum rerum, quæ-
que Principem maxime decet, eruditus **A N DREAS**
MATTHÆUS II. Adriæ Dux II. quæ ad honesta
nitentes egregiis adjumentis informare solet, post
tot annorum cursus ostendit, parum, aut verius
omnino nihil cum tota ætate prisca esse contem-
dendum de moribus, virtuteque hominum, ut
antiquorum admirari sapientiam desinamus, dum
ejusdem labores, ac fortitudinem cogitamus.
Neminem autem arbitror **JULIO ANTONIO Adriæ**
Duce VII. aut auctoritate, aut dignitate felicior-
rem. Cum enim duó sint, quorum ope mediocria
regna crescere, & confirmata contineri possint,
arma nimirum, ac literæ, cum horum gloriam
sibi vindicasset Dux felicissimus, quibus soletissi-
mi, fidissimique Duces, aut gubernare feliciter,
aut ornare splendidissime Respublicas consueve-
rant, studiorum etiam non poenituit, ne spem
ab omnibus conceptam destitueret, aut imper-
fectam gloriam relinqueret. Cæsar Augustus
quum bello Mutinensi contra Marcum Anto-
nium acerrimum imperatorem castra haberet po-
sita, quotidie etiam declamare consuevit. Ha-
bebat quoque secum assidue Dux Aquavivus lati-
norum, græcorumque longe præstantissimos au-

ctores, & ex omni antiquitatis thesauro omnis ævi, omnis rei, omnisque fortunæ clarissima documenta hauriebat. Vidimus ne umquam constitui civitates, aut conservari magis, quam prudentia humanarum rerum nutrice, ac comite? In quæ si vel leviter oculos convertamus, fieri minime poterit, quin ex hoc tanto, tamque acerrimo bonarum artium propugnatore creditæ sibi gentes, populique fructus amplos, atque diuturnos perceperint. Hæc vel indicasse satis erunt, quæ autem, quantaque fuerunt, omnia committo Italicarum rerum monumentis, quæ eam ob causam sollicitè conquirenda, diligentissimeque complectenda fore existimo. Forfitan infensam judicabimus patriam suam sibi fuisse, si una voce loqui posset, quæ sollicitudo non profecto diffidentiae, sed amoris fuit? Videor plane hic videre tamquam in re præsentī plurimorum Principum ambitionem, luxum, civiles discordias, intemperiem, aliosque Reipublicæ morbos unius clarissimi Ducis sapientia, prudentiaque evulsos, dissipatos. Ingenii enim mira vis, & fortitudo mentis cum peritia, usuque rerum, & exercitatione judicii conjuncta nullum omnino dubitandi locum relinquebat, quod aut infirmis, aut collabentibus Reipublicæ præsidiiis fortiora aggredi vel ingentes stimulos admoveret. His enim artibus maxime se putabat satisfactum irimen-

mentis suæ integritati , qua & Regis sui gloriam , & utilitatem patriæ provectam auctamque incredibili desiderio cupiebat . Itaque neque laboribus ullis , ut hæc tam eximia , tamque honesta consequeretur , neque sumtibus parcendum judicavit . De quibus haud est locus multa hic differere , quæ passim extant , ac conspiciuntur . Quis enim in historiis adeo hospes , & peregrinus invenitur , ut ignoret , quantopere apud Ferdinandum Regem valuerit , cum quo post discordias acerrime inter sese versatas mutuum tandem pacis , ac concordiae , quod nunquam alias in Europa visum est , fædus sancitum fuit . Rex autem non contentus fuit , constabilita fæderis pacta existimationi AQUAVIVÆ familiæ satis fore , in maximis quibuscumque negotiorum ponderibus consiliorum comitem adscivit . Quid plura ? Proh hominum historicorumque fidem ? Aquavivam gentem arctius sibi jungendam ratus Ferdinandus ipsi insignia , suisque omnibus Aragonensium Regum decora , eorumque nobilitati adjecit . Frederico quoque filio commisit , ut conjugium cum Burgundiæ Duce JULII ANTONII consiliis firmaret . Contra Senenses in bello cum armis Syxti Pontificis conjuncto , in expugnatione celeberrimi Castri Collis , imperatorium munus commisit . Interea Neapolitanum Regnum cum a potentissimis totius fere Orientis viribus quateretur , ac

Ter-



Turcarum potentia in Hydruntum extemplo irrupisset, vis illa, flammaque perturbati regni, penitusque quassati fere omnes ex eo ejecerat, ac timore majorum fluctuum, tempestatumque fugaverat. Hinc omnes certatim, aliisque alio gravius JULII ANTONII apud Regem virtutem eximie commendantes, ad eum statim conversum est, atque ipse non mediocri cupiditate arripuit imperium, quod non clamore multitudinis imperitæ, sed publico consilio deferebatur. Lux quædam visa fuit cælitus oblata, qua non modo regnum, sed Italia cuncta maximo timore levabatur. Abiit ille, sed quæ tum frequentia accessit Ducis existimatione suorum & exterorum ad vim illam, & audaciam barbarorum perfringendam, quæ expectatio populorum, qui concursus legatorum ex Italia cuncta, quæ suorum major virtus, dexteritas prospiciebatur. Quid autem ageret Princeps ad virtutem, ad dignitatem, ad gloriam natus? Nonne fuisset ad arma iturus? Nonne patrium animum, majorumque virtutem excitaturus? quid sentire, quid cogitare, quid judicare poterat de eorum potentia prosternenda, quorum effrænatus ubique furor alebatur impunitate diuturna? Huic malorum colluvioni videbat ipse, si aliter, quam potentissimis armis obviam iretur, spem parem salutis esse non posse. Quamobrem Hydruntum prope se cum exercitu con-

contulit, munitiones vel longe distitas oppugnare, itineribus occurrere, vi laceffere, & terrere cæpit. Et jam monstrum illud tot in funeribus Christianæ Reipublicæ exultans, ac tripudians ad certamen ipsum laceffere nitebatur. Hostium autem viribus in dies magisque corroboratis, novis auxiliaribus copiis ex Thraciæ finibus transmissis, suis vero partim quotidianis necibus extinctis, partim timore exterritis, partim fuga sublati, anne susceptam Provinciam Dux acerrimus, fidissimus relinqueret? an se domi contineret? Nihil profecto minus, & vinci turpe putavit, & deterreri iniquius, sed quid? Proh! Deus immortalis, etiam aliorum consilio eripi rejecit. Itaque collectis copiis, quas potuit, ubi occasionem nactus nonnullos aggredi, qui per agros vicinos prædæ colligendæ causa discurrebant, non sine consilio fusos per agros, ac dispersos in unum locum congregatos traduxit, atque partim necatos, partim in fugam conjectos eo usque infecutus, ut Hydrunti ipsius mœnia penetrare meditaretur. Inibi collectis omnibus hostium viribus clamore, vi, ac multitudine, non solum certamen commissum est, sed in ipsum discrimen, aciemque exercitus deducti: Christianorum arma primo impetu tantum habuerunt firmitatis, ac constantiæ, quantum per necem, aut vires retinere, aut eripere potuissent. Sed
jam

jam longa , acerrimaque oppugnatione robur Christianorum oppressum , Imperator JULIUS ANTONIUS medios inter hostes undequaque infestus , ac plus tringinta vulneribus acceptis , & voce , & ferro vel suos corroborabat exangues , vel hostes transfigebat , donec jam tandem jacentem , solum , ac mortuum ab incæpto certaminis cursu barbari retinuissent . Læti profecto hostes , quod eo Duce haud spernendo extincto non modo prælium , sed bellum etiam ipsum absumsissent . Porro in hoc tam acerbo Christianæ Reipublicæ funere prosequendo pietatis potius , quam eloquentiæ , doloris , quam ingenii partes esse suscipiendas existimarem , tantumque pio dolori concedendum , quantum & mærori acerbissimo Rex ipse Ferdinandus concedendum esse statuit . Neque enim Rex debito officio alienum esse duxit , graviter conqueri de Ducis tam de se optime meriti infortunio ; neque iracundia , magis ulla laudanda , quam ea , quæ ipsum inflammavit eorum scelere , qui Regni ac salutis suæ defensores eripere ausi fuerant . O Superi quemnam ostenditis exitum tantæ sapientiæ , virtutisque nobis ? quam spem Reipublicæ ? Quotus enim quisque inveniatur tanta virtute vir , qui optinam quamque causam complectatur , qui publicis commodis deserviat , qui solidam laudem , veramque quærat ? cum sciret illud Christianæ Rei-

Rei-

Reipublicæ fatum hausisse quotidie ex pacatissimis quibuscumque , atque opulentissimis gazis innumerabile pondus auri , bellum inferre perturbatis , ut eorum veteres , illibatasque divitias in profundissimum libidinum suarum gurgitem profunderet ; primum pacem maxima pecunia vendidisse , deinde , ut illi novam pecuniam conficere possent , vexandam ubique , & spoliandam tradidisse . Quonam pacto cum iis actum iri existimaret Princeps religiosissimus , quos sic illudere , ac debacchari ingemiscebat , quibusque omne supplicium , atque omnis jure optimo poena debebatur , nulla alia prorsus ratione , quam corpore suo intercludendum eorum furorem judicavit . O inauditam plane animi , virtutisque indolem , o eximiam Aquavivæ gentis præstantiam !

An de BELISARIO Duce Neriti & NICOLAO , aliisque filiis suis parum excellentius judicandum est ? At quid ego de ANDREA MATTHÆO III. Adriæque Duce VIII. loquar ? Quem nulla umquam injuria , aut molestia adduxit , ut eum paternæ virtutis , ac firmitatis animi in suos fuisse pænituere . Numquam enim in ea contentione fuit , ut popularis cupiditas à consilio Principum dissideret , nec flagitare rem ullam ausus fuit , quæ à Principibus suis dissentiret , sed ut otio suo , & dignitate optimi Principis , & uni-

D

ver-

verſæ Reipublicæ delectaretur . In quo ego de-
 miror nonnullorum audaciam , qui nullum extre-
 mis Regni temporibus perſugium , & præſi-
 dium conferentes , objecerint ANDREÆ MAT-
 THÆO Regis inimicitiam . Quid autem æqui , &
 honeſti judices judicaverint eo in crimine , judicio
 clariffimo illorum pro virtute ſua eſt honeſtiſſi-
 me liberatus , ut non modo in judicium horum
 criminum , ſed ne in tenuiſſimam quidem ſuſpi-
 cionem fuerit vocatus . Et quia ſic ſe rem habere
 intellexit , plane ſibi perſuaſit , non moleſte latu-
 rum , quod alii permulti pari operæ precio mul-
 tiplicatos dolores , laboresque tolerare conſue-
 verunt . Sicque peractis omnibus , quæ pro ejus-
 modi exiſtimatione requirebantur , poteſtatem ,
 atque amplitudinem ſuam , ſuæque domus fere-
 niſſimus Rex Ferdinandus aut novam inſtituit ,
 aut vetuſtam privilegiis inſignibus auxit , ut a fæ-
 do illo , ac probroſo nomine , quo apud ipſum
 criminabantur nonnulli , abſolveret , ac pulcher-
 rimo , honeſtiſſimoque compenſaret . Non ſemel ,
 ſed iterum ac ſæpius imperatoria poteſtate contra
 Carolum VIII. Francorum Regem bellum ad-
 miniſtravit . Neque minoribus à Gallis ipſis , qui
 poſtmodum Regno potiti fuerant , honorum ar-
 gumentis decoratus . Carolus autem V. Impera-
 tor potentiſſimus paribus ſtudiis proſecutus fuit
 & Principem MATTHÆUM , & adgnatos ſuos . In-
 ter

ter tot vero bellorum tumultus, quibus & Regnum Neapolitanum, & Italia universa conflagrabat, inter assiduos labores, atque ærumnas, nulla ipsi voluptas jucundior, nulla quies optatior esse potuit, quam quotidianæ in literarum, ac scientiarum studia commentationes. Non ipse magnificentissimas venationes, neque sumtuosissimas tragœdias, neque gladiatorum editiones, non ludos alios suis studiis anteposuit, nedum alia quæcumque levia, ac ludicra in occasionem otii arripuit, ut dum ipsis vacare partem aliquam vitæ suæ abonarum honestarumque artium exercitiis avocata nugaci, ac puerili oblectatione perire pateretur. Sunt jam posterorum memoriæ demandatæ quamplures inter innumeras fere ejusdem lucubrationes typis editæ, eruditionis, ac pietatis copia refertæ, de quibus ita cecinit Sannazarius Poeta egregius.

Cernis, ut exultet patriis Aquivivus in armis,

Duraque spumanti fræna relaxet equo?

Quis mites illum Permessi hausisse liquores

Credat, & imbelles excoluisse lyras?

Consurgunt niveæ fulgenti in casside cristæ,

At clypeus torvo Gorgonis ore tumet.

Macte animo, rigidum Musas qui stringere ferrum,

Qui Martem doctos cogit amare choros:

Hæc Ducis est virtus, non uni insistere palmæ,

Sed nomen sacris quarere, & ingeniis.

D 2

Eo-

Eo autem nomine, quo apud universos Europæ populos Aquavivum genus percrebuerat, memores filii sui JOANNES FRANCISCUS, JOHANNES ANTONIUS, & VINCENTIUS in pietate, honestis moribus, in liberalitate, prudentia, sapientiaque excolenda tam egregie versati sunt, & studio totius Italiæ, ac singulari vicinorum populorum voluntate ornati, ut ad eorum memoriam recolendam non modo sui, sed prope regiones ipsæ convenerint, aliquando etiam latius excitatæ, quam ipsius vicinitatis ratio, ac tempora postulabant. In primis igitur præcipua Italiæ ornamenta Principes obtestor, quorum esse neminem, cui JOANNES FRANCISCUS vel adgnatione, vel affinitate, vel amicitia obstrictus non fuerit, pro certo habemus. Dorotheæ enim Gonzagæ matrimonio sociatus, Altamuræ Principi, Frederico, ac Ferdinando Regibus adgnatione accessit. Vos igitur tanti principis exempla revocate, quibusnam virtutum gradibus ad ea tam honesta, amplissimaque conniteretur, non comes modo, sed dux etiam, atque auctor nobilissimi cujusque facinoris extiterit? Vos in memoriam restituite, quo ipse animi robore in celeberrima illa Raven-nati pugna contra Gallos arma tulerit, ut semi-animus inter mortuos repertus fuerit. Vos plane dicite Ecclesiæ Romanæ Pontifices, quibus honorum insignibus dignum reputastis? JOHANNES

au-

autem ANTONIUS quo sane cogitationes suas omnes intendit, nisi ut liberas omnium voluntates rerum haberet? dum vitam suam pluribus, quam vellet, observari oculis arbitratus, non modo communi voluntate virtutis atque officiorum, sed etiam quadam magis necessaria ratione præclare magnificeque vivendi se continebat.

VINCENTIUS vero Cardinalis ornatissimus iis ingenii fortunæque præfidiis munitus fuit, ut ipsi certis quibusdam felicitatis pignoribus antecellenti veræ fidei sumæque diligentiae formandi universi sese tradiderint. Et quoniam orbis terrarum universus maxime delectatus fuit sapientia, disciplinaque clarissimarum mulierum DOROTHEÆ, JULIÆ, ac VINCENTIÆ, non longe ab instituti nostri ratione abhorrebit, eas cum clarissimis quibuscumque hominibus ex tota antiquitate scientiarum omnium, ac linguarum peritia coæquare. Jam vero CLAUDIUM Aquavivum Societatis Jesu Præsidem generalem, virum spectatissimum inspiciamus, qui proxime ad veterum suorum disciplinam videtur accessisse. Quum enim à teneris annis aulas inter Principum enutritus, moxque in Pontificia S. Pii V. exercitus, ac subactus esset, rebus omnibus statim nuncio remisso, sese ad meliorem frugem recepit. Et quamquam multus tunc temporis in omnibus scientiis esset, mira tamen ingenii dextera-

rita-

ritate multas insuper , & honestas disciplinas , ipsamque adeo eloquentiam felicissime comprehendit . Quid opus recensere sigillatim , quam varias inter peregrinationes toto fere orbe susceptas vitam commendatissimam exhibuerit . Verum cum supremo Societatis Jesu imperio admotus pietatis impedimenta gravissima sæpe sentiret , nec illis demulceri sese , nec deterreri passus est , quo minus morem suum constantissime tueretur . O pietatis genus vel primis ipsis Ecclesiæ seculis prope inauditum ! Quamquam alias quoque ardentem , & serio oraret , ad statas tamen horas universam familiam precum in commune fundendarum causa convocabat . Virum enim pientissimum , qui Deum cordate diligeret , pudere non poterat amorem illum confiteri , & ad eundem alios etiam , quotquot posset , monitis , exhortationibus , & præceptis , & quod unum efficacissimum ad omnia jubendi genus est , exemplo adducere . Perversus enim candor est , fædaque simplicitas manifesto fieri parum integrum , ne fingere probitatem videatur : Si enim simulare pietatem scelus est , quantum erit dissimulare nefas ? Quo ipso non modo pietas , quæ fuit fortasse , interiit , sed aliorum etiam aut religio offenditur , aut simplicitas decipitur , aut infirmitas prostermitur , aut perversitas confirmatur . Has inquam divinas artes dignas ceteroqui animo , ac pietate sua

sua reputabat, subtilitates otiosas, & exercitationes vitæ parum profuturas iis trans mittebat, qui sibi nihil esse, quod publicam ad utilitatem conferrent, faterentur. Fortassis exiguum hoc, & leve videri possit nonnullis laudis encomium, qui magnos Principes nonnisi monstruosa tantum titularum congerie, ampullisve laudari patant, sed sapientioribus facile persuaderi poterit, magnum esse, quod dixi, atque ita eximium AQUAVIVÆ Gentis decus, virtutum omnium splendore scatens, ut nulla cujusquam vera laudatione superari posse videatur

Jam de existimatione familiæ, quæ fuerit, vidimus, quod judicium de singulis ejusdem honoribus extiterit, nemini dubium esse debet. Quod enim MARCUS ANTONIUS, qui omnium in se animorum, oculorumque contraxit, quæ domi, & bello gessit, communis famæ, atque sermonis commendationem sibi facile compararunt? Venio nunc ad illud immortale tanti nominis ornamentum JULIUM ANTONIUM nimirum II. Cuperfani Comitem, qui familiam quantam, & quam variis temporum perturbationibus habuerit implicatam, haud satis dici potest. Cum enim sæpe homines, qui virtute, & consilio potentes perfectæ genere humanæ docilitatis, atque ingenii dissipatos unum in locum congregarunt, eosque ex feritate illa ad justitiam, ac mansuetudinem tra-

traduxerunt. Ita inter hanc vitam perpolitam humanitate, & illam immanem nihil tam interest, quam dexteritas, ac vis. Hæc sapiunt fere omnes; Princeps autem JULIUS ANTONIUS & novit, & perfecit; altero uti voluit, ut dexteritas audaciam vinceret, altero usus necessario est, ne dexteritas ab audacia vinceretur. eademque ratio fuit in necessitate defendendæ suæ salutis, atque dignitatis; præsidioque contra vim, & manum comparando.

Neque vero turbulentissimo illo tempore majus umquam visum est. Neapolis enim à Gallorum armis potentissimis obsessa, & ubique armorum strepitu Italia effusa, sapientius duxit JOANNES FRANCISCUS II. in varias Europæ regiones transire. Anne ullo tempore judicabimus audaciam hanc, an fiduciam interpretari? Ille quidem cum sibi certo de studiis suis promitteret, neque laboris, neque impensarum rationem habendam esse censuit. Norat enim peregrinationum incommoda quantivis essent precii, quantumque sibi privatim, aliisque publice prodesse. Et quum ad tot res diversissimas animo prospiceret, reperiunda erat utilitas, quæ omnes ex æquo aut attingeret, aut complecteretur. Nam ceteræ quidem res suis plerumque angustis finibus continentur, rei autem publicæ cupiditas omnium pene & rerum, & hominum, & tempo-
rum

rum varietatem comprehendit ; admiratur divina , humanaque constituit , regna , civitates confirmat , felicibus ornamento est , malos pudore corripit , mores ad humanitatem transfert , nullam terrarum partem , nullam orbis ætatem contemnit , beneficiis omnes complectitur , & cunctarum prope gentium , populorumque commune bonum existimatur . Cur tam varie ? Quia labores ipsos peregrinatione susceptos, purioribus historiarum monumentis quasi quadam inter sese affinitate copulatos esse norat , ut illis ademtis , nihil hisce , in quibus magna esse possit utilitas , reliquum videretur. Animadvertit vir prudentissimus regias Hispanorum partes & numero propugnatorum , & industria impense florere , publicamque utilitatem in illis Reipublicæ nebulis ac turbinibus ab eis, qui ad satietatem respicerent, minime vindicari potuisse . Foris etiam hæc studia tutius promovenda censuit , quibus pro insigni eorum in rempublicam amore omnes excitare debere judicabat. Neque difficile fuit vel longe avellere velut e sinu , complexuque quamplures nebulonum perversas artes , quibus non tam privatis , quam publicis commodis consuleretur. Missos itaque faciamus JOSIAM II. ANNAMque filios in regia Henrici Galliarum Regis domo enutritos. Nec de BALTHASARRE ævi sui Duce invictissimo aliquod attingamus ; sed illos potius intueamur,

E

mur,

mur, qui majus quoddam genti suæ decus, atque ornatum addiderunt. Placet igitur primo JULIUM ANTONIUM III. in medium conferre, cujus divino prope consilio, & vi ipsa, ac magnitudine rerum gestarum factum putamus, ut eam imperii majestatem, quam armis receperat, sapientia quoque, ac splendore illustraret. Deinde quamvis silentio reticeamus MARCELLUM AQUAVIVUM Archiepiscopum Hydrunti virum selectissimum, minime tamen præterire potuero clarissimum FRANCISCUM II. cujus nutu, & arbitrio terra, mariaque regebantur. A Philippo enim II. Hispaniarum Rege maritimis oris à barbarorum excursionibus quotidie appetitis, exercitu præfectus dexteritate, atque armis Rempublicam recuperavit.

Quæ autem diligentia, dignitas, ac sapientia tot majores suos complexa est, ea pariter Principem ANDREAM MATTHÆUM IV. efformavit, ut non in exemplum parvis industriæ, sed in seculorum omnium ostentationem editus esse videretur. Cupiditate enim orbem terrarum peragrandi accensus, peregrinator non minus circumspectus, quam studiosus, ac prudens fuit. Videbat nonnullos ita peregrinari, ut ad hæc tantummodo animum intenderent, quis situs regionis, & spatium foret, quæ fertilitas terrarum, & populorum, quæ munimenta civitatibus adversus hostes, aut in-

intestinos motus, quæ in bellum vires, aut quanta audacia, classis, an equitatus, an pedestris militia meliores usus finxisset. Quin imo perspicere ubique studuit, mores populorum qui nam essent, quave illorum morbi vel negligentia crescerent, vel dissimulatione tegerentur, vel medicina demum longe evaderent, excederent. Quibus rebus bonorum morum firma consuetudo inducta fuerit, quæ rerum publicarum artes, & differentia, quibus legibus nobilissimi quique populi publice, privatimque sint usi, qua industria bella propulsaverint, aut confecerint, quibus artibus pacem stabiliverint. Quamobrem tamquam ad communem causam historias advocabat, quæ ad singulorum locorum investigationem admotæ palam faciebant, quonam Reges à Bruto expulsi, seditiones sedatæ à Valeriis fuerint, ubi salutaria Patriæ consilia ab Appio exhibita, quæ majestatem in principibus populi Scipioni, Lelio, Catoni tribuerunt: ubi perniciosos, intestinos audacissimorum hominum conatus fregerunt, quibus denique artibus aut in Italia, aut in Galliis dignitatem, spem, salutem Romanæ Reipublicæ acerrimus vindex, patriæque parens Cicero restituerit. Celeberrimas quasque urbium academias perlustravit diligenter, virosque e re literaria optime meritos familiariter secum habere, abditasque rerum notiones excipere sata-

gebat. Sic Italiam universam, Galliam, Flandriam, Hispanias, atque Germaniam peragravit. Sicque ingentem illum oceanum transmittendum fore existimabat, qui olim immenso, atque insuperabili ambitu finire terras credebatur, & in novum illum, quem vocant, orbem, post audaciam Columbi, ac penitissimos maris ignoti sinus penetrandum novosque populos adhuc tentandos, penitusque perspicieundos, quorum nomen nefama quidem, aut fando, ac ne cogitatione quidem ipsa accepisset. Quamobrem in Hispaniis a Rege Philippo benignissime exceptus ea se magnificentia prodidit, ut universos ordines, regnumque ipsum admiratione compleverit. Postmodum in Flandriam a Catholico Rege designatus, palam profecto fecit, ea virtutis rudimenta circumeundo concepta quantopere & suorum gloriæ, & regiis armis profecerint. Inde Frisiam profectus, vix cogitari potest, quam singularia prorsus constantiæ argumenta in expugnatione Timbergenfi, & insigni auxilio Grollæ porrecto firmaverit omnium animis populorum. Demum fœdere inter armatos Reges sancito, nuptiis cum Maria Prenestain de Furstemberg junctus, Imperatoris ipsius affinitate decorari meruit.

Sed mihi ante oculos obversatur BELISARIUS I. Ducis Neriti dignitas, quæ ad se rapit, & alia omnia relinquere hortatur. Quapropter dicere pos-

possem, & quidem amplissime de genere vitæ, de natura, de moribus, de studio comparandæ salutis communis, de incredibili amore in bonos, honestosque viros. At quoniam ea tempestate, ac Neapolitani Regni ruinis præcipua publicæ administrationis munera suscepit, non aggrediar ad illa maxima, atque amplissima prius, quam docuero, quibus fundamentis hæ tantæ summis in rebus laudes excitatæ sint. Quum enim excelsa quæque, ac nobilia studia, quæ vix post eximium totius fere eruditionis usum veteres, recentisque philosophi senili jam ingenio, judicioque audebant attingere, ea Dux disertissimus adhuc adulescens tractare solemne habuerit, tam facile scilicet, ut non ab aliis excipere, quam ex se ipso parere videretur, quamquam belli simulacris multum operæ impenderet, nec non publicis negotiis implicatus, curis jam maximis adfueret, ingenii tamen admirabili fecunditate tantum in studiis profecit, quantum in summo ocio pauci potuere. Eo proinde virtutis, ac sapientiæ robore confirmatus honoribus non tam uti voluit, quam dignus videri. Duobus itaque Ferdinando, ac Friderico Regibus sic probatus fuit, ut utrique eorum & carus maxime, & jucundus esset. Pluribus enim præliis pro eisdem felicissime decertatis, sapientissimeque administratis regnum & ab exteris, & domesticis hostibus liberavit. Non
mi-

minus etiam apud Carolum V. Cæsarem valuit ; qui maiora sibi , suæque familiæ splendoris insignia decrevit .

Jam vero JOHANNIS BERNARDINI II. Ducis Neriti virtuti quæ potest par oratio inveniri ? Quid est enim , quod quisquam aut dignum illo , aut cuiquam inauditum possit afferre ? Quæ enim industria in agendo , quæ celeritas in conficiendo , quæ prudentia in providendo , aliæque imperatoriæ virtutes aut visæ sunt unquam , aut saltem auditæ , quæ in tanto Duce mirabiliter illuxerunt ? Quod bellum enim a Gallis excitatum in Neapolitano Regno adventu suo non solum imminutum fuit , sed etiam penitus sublatum , atque sepultum ? Mirum autem , atque incredibile prorsus dictu est , quod illæ res , quæ ceteros a bellorum incommodis remorari solent , illum minime retardarunt ; non libido ad voluptates , non amænitas ad delectationem , non nobilitas feudorum ad cupiditates , non denique labor ipse ad quietem , aut ab instituto cursu revocavit . Vix enim a Carolo V. Cæsare inter coronationis solemnia Bononiæ honorifice exceptus , Imperatorem ipsum ad Hungaricum bellum gerendum insecutus fuit , pecunia sua usus in omnibus belli necessitatibus , corpus suum innumeris periculis objecit , atque cum Imperatorio exercitu iterum ac sæpius in acie contra rebelles fuit , omnia

nia illorum arma contra se unum excitare paratus. Quæ quidem omnia a Cæsare in eam partem accepta sunt, ut & in Germania & Neapoli postmodum amplissimis honoribus affecerit.

Tanta vero spes usque adeo perspecta Reipublicæ bene gerendæ in celeberrimis Ducibus FRANCISCO, ac JOHANNE BERNARDINO II. AQUAVIVIS constituta fuit, ut horum virtuti solummodo committeretur. Noverat autem Franciscus Patris sui mortem a Turcis illatam, quotidiana ipsius regni vulnera videbat, quærimonas omnium audiebat, se pro salute omnium in tot, tantasque dimicationes, atque proligatarum belluarum quotidianos impetus objecit. Quum autem tanta virtute in omnibus Regni maritimis horis adfuisse videamus, quantum minime in aliis audivimus, quid est, quod de ratione, aut perficiendi felicitate amplius dicamus? Ex hoc autem eodem genere, quo Cuperfani Comitum domus excitata est, Principes omni ævo celeberrimos extitisse novimus. Multa itaque prætereo consulto, sed ea omnes conjectura perspicient, quibus pleni sunt omnes libri, plena exemplorum vetustas.

Ubi nam virorum fortium tanta animi præsentia, qua Dux BELISARIUS II. JACOBUS, CLAUDIUS, OCTAVIUS, ADRIANUS, ac JULIUS Dux Nucum a Catholico Rege institutus, fortissi-

tissimi omnes , summique Principes plurimis in locis disjunctissimis , maximeque diversis uno consilio bella gesserunt, ac triumpharunt? Et ut cæteros alios ad aliam temporum opportunitatem differamus , quis pro dignitate referat eximias plane JULII ANTONII Neriti Nucumque Ducis XI. & Cuperfani VII. Comitis. Hunc adire, præsentem videre tanta humanitate , tantaque sapientia , ac virtute datum est nobis , ut beatissimi esse videantur, apud quos ille diutissime commoretur.

Nunc veniam oportet ad clarissimum omnis ævi , omnisque memoriæ JOHANNEM HIERONYMUM Adriæ Ducem X. cujus virtutem non solum nostris , sed pene omnium gentium literis , atque linguis celebratam , licet gentis suæ esse totam , & propriam fateamur , dignitatem tamen suam eidem reddidisse , ut quantum a cæteris omnibus exceperit , tantundem ipse attulerit universis. Atque illud imprimis differendum sese offert , Quod Neapolitani Regni salute summum in periculum , ac discrimen vocata a frequentibus Turcarum excursionibus , illius nomine , non adventu impetus hostium repressos esse , ac retardatos intelligimus , eorumque salutem restitutam, qui tanto sese duci commendaverant. Porro etiam summis Reipublicæ negotiis , quibus pro ejusdem dignitate implicabatur , non levis accessit eruditionis copia , quæ materiam sibi , atque
illis

illis præberet, circa quæ versari; & imperium suum exercere luculentius potuisset. Et quamvis suoapte ingenio fatis molestus, ingratusque sit discendi labor improbus, in principibus vero multo propemodum molestissimus. Quamobrem asperitatibus omnibus rejectis, hanc quoque solemnem gentis suæ gloriam scientiarum claritate ceteris aliis adjecit.

Video hic nonnullos fortasse mirari hanc dicendi, extollendique licentiam, & quemdam veluti candorem meum requirere, qui velut ex insidiis alia omnia expectantes animos, nova quadam, ac inusitata virtute feriam. Qui enim fieri potest, ut Princeps hic Joannes Hieronymus tanto splendore illustris, quantus in Europa vix auditus est unquam, studiorum molestia delectari potuerit? Sed mirari omnino desinent, cum non aliam ob causam nova hæc, atque incredibilia videantur, quam quod natura scientiarum ab aulæ strepitu abhorreere soleat, aut Reipublicæ negotiis averſa sit. Ubi vero natura ipsa Principes viri ad studia recolenda efformati sunt, in eis plerumque, & sapientia non expectat annos, & scientiarum semina firmiores radices agunt, & velocius adoleſcunt. Sic plane non JOANNI HIERONYMO tantum, sed universæ quoque ejusdem familiæ usuvenisse intelligimus. Ut enim cum ingenii, animique cura politicæ quædam præcep-

F

ptio-

ptiones hauriuntur, sic vel ad intelligenda, quæ in imperio bene constituto fieri oporteat, vel etiam pro ut cuique fors erit, ad peragenda publica, domestica, externaque negotia erudiuntur. Quæ accurate propterea, cogitateque scripsit, ea sic probari animadvertimus, ut ad cæterorum scriptorum laudem, non solum pervenerint, verum etiam superaverint.

Quod autem votis omnibus jam dudum peterat, quod studiis suis ac contentionibus maximo-
pere promoverat, quod causam Reipublicæ, causam Italiæ sui tantummodo suscepissent, nisi alias esset patefactum, paulo certe gloriosius, quam voluisset, atque illustrius strenuissimi Duces filii sui JOANNES ANTONIUS, atque HORATIUS manifestarunt. Anne tunc quiescerent, cunctarentur, timerent, cum præcipuas Italiæ oras a sævissimis Turcarum copiis oppressas quandoque, atque occupatas viderent? Imo potius excipitur alacri, præsentique animo impetus crudelis barbarorum, retunditur ferro audacia, ut irrigatis sanguine hostium agris, ac mare uberem triumphorum segetem suo nomini rediderint. Quid vero? Pro hominum fidem! Quid de virtute pietatis dicere aggrediar? fuit enim illa semper, & adhuc est in Aquaviva gente pro religione virtus, ac constantia adeo cognata, ut illius defensionem cetera posthabuerint, pro ea, quoties ita res tulerunt, non fortunas modo

do suas , verum etiam sua capita , & in bello Duces invictissimi , & in agone religionis fortissimi Martyres haud cunctanter obtulerint . In tanta autem , tamque excelsa pietatis gloria prædicanda , quis plane referat singulos , qui ab ipsis religionis cunabulis pro christiana fide propugnanda , Ethnicorum ferro libentissime ceciderunt ? Unum porro RODULPHUM nimirum magnum fidei propugnaculum prætermittendum minime censeo . Qui in Indias Orientales profectus , post egregiam illam monumentis omnibus consignatam , religionis christianæ professionem , seipsum vitamque suam Martyrii corona Deo Optimo Maximo consecravit . Eas autem pietatis , ac virtutis majorum suorum imagines , non solum ad intuendum , sed etiam ad imitandum sibi propositas esse existimantes amplissimi Cardinales Germani fratres JULIUS , atque OCTAVIUS AQUAVIVI , gloriosissimis ubique rebus gestis Ecclesiæ fastos compleverunt . Et ut ab Julio aggrediamur , tot exempla , tanta , ac tam nova virtutis profecto sunt in eundem Principem , ut incredibilia videntur . Vix enim vigesimum ætatis annum attingens a Sanctissimo Pontifice Pio V. cui a teneris annis Julii sapientia , ac dexteritas prospecta fuerat , ad magnum Hispaniarum Regem Philippum II. Legatus missus , ut Sacram Ecclesiæ jurisdictionem a Regiis Ministris Mediolani violatam vin-

dicaret, quid profecerit in ea nobilissima Legatione, ex eo potissimum hauriri potest, quod non dum vigesimum, & quartum annum completus inter Purpuratorum Patrum Collegium fuerit cooptatus. Quod si quantum animo, tantumdem etiam corporis viribus valuisset, cum sane fructum Romana Ecclesia excepisset, quem diligentia industriaque sua facile desponderant.

Jam vero honos, dignitas, ac sapientia quamquam semper gratissima, optatissimaque Aquavivæ genti extitissent, dici tamen vix potest, quantum ab OCTAVIO Cardinali, non solum promota, sed totis viribus ubique fuerint restituta. Quid voluptatis in iis habuerit, quæ species universi orbis, quæ forma rectitudinis, quæ pulchritudo, ac dignitas christianæ Reipublicæ. Simul ac cæpit Romanæ Ecclesiæ negotia administrare, gentibusque sibi commissis imperare, nihil earum rerum sibi prius agendum judicavit, quam de optimo modo, & Principibus placendi, & suis gloriosissime justitiæ munera impertiendi. Is enim Princeps, qui non honestis modo, eruditissimisque disciplinis imbutus, ac linguarum potissimum exterarum lauream Perusii fuerat adeptus, sed optimis etiam quibuscumque juris publici rudimentis instructus Rempublicam bene gerendam didicerat, mirum profecto non est, si Patrimonii S. Petri legatus designatus, cum quandoque auxilia
Rei-

Reipublicæ labefactari, convellique videret, ferre
 opem Ecclesiæ, succurrere saluti, fortunisque
 communibus, implorare subditorum fidem,
 commoda denique sua posteriora salute publica
 ducere opus esse contenderet. Cumque eam Pro-
 vinciam difficillimis Romanæ Ecclesiæ temporibus
 accepisset, non modo boni, ac fortis Eccle-
 siæ commilitonis esse sentiebat intercludere om-
 nes novorum motuum vias, bonorum consensio-
 nem contra improborum furorem, & audaciam
 implorare, sed contra metum etiam eorum lon-
 gissime providere. Qui igitur in Romana Aula
 gloriæ plausus, quæ dignitas, quæ amplitudo,
 dum Pontificio Palatio Præfectus constituitur?
 Quæ vero totius Campaniæ voluptas, quæ ma-
 gnitudo, cum in ea Apostolici Legati dignitate
 regimen obivit. Ubi vero Romam arcessitum
 Clemens VIII. Congregationibus omnibus inter-
 esse voluit, quis in Urbem concursus causarum,
 quæ majestas judiciorum, quæ consultationes
 Romanæ Ecclesiæ admodum utiles. Quamobrem
 in Galliam, quæ sævissimis intestinorum motuum
 turbationibus quatiebatur, Apostolica Avenio-
 nensi Legatione transmissus, non est humano con-
 silio cogitandum, quantum omnibus maximis
 pariter, ac infimis gratus, acceptusque fuerit in-
 tegritate, comitate, promptissimoque, ad opem
 ferendam animo, sive quis auxilio, sive consilio
 in-

indigeret. Quid de reliquis tanti Principis ornamentis? Imo vero totius orbis beneficiis? Quid vero ad dignitatem Patriæ suæ tuendam, quam virtutem, quæque gesta in illam Archiepiscopus Neapolitanus designatus propagavit? Quæ gravitas in regimine, quæ copia facultatum in egenos erogata, qui cultus Sacrorum, quæ Ecclesiasticæ disciplinæ auctoritas, quæ non opinione tacita animorum omnium, sed perspicua admiratione declarari videbatur. Cum vero in comitiis Pontificiis sæpe habitis ab ipso, clarissimi Ecclesiæ Principes voluerint religione videri potius, quam partium studiis fidem esse constriictam, ipse in ea religione, & Legum, & veritatis promovenda, qualis fuerit, & constans quædam traditio, & historicorum accurata memoria testatur. O nomen Aquavivæ gentis tam eximie celebratum, o Ecclesiastici imperii excellens dignitas in eo sæpissime illustrata, o virtutum sic longe, lateque diffusa laus! ut ejus gloriæ domicilium communis Ecclesiastici imperii finibus minime terminetur.

Atque hæc quidem omnia majorum exempla ad summos honores & usum maximarum rerum JOSIÆ II. Adriæ Duci XII. quo deinceps penitus occalluit, iter fuerunt, ut non alienæ virtutis commendatione irruperit, sed sua met dignitate, generisque præstantia adscenderit.

Ec-

Ecquem vero novimus alium, qui vel in evolvendis parentum suorum consiliis industriam, vel in ediscendis felicitatem, eamque habere potuerit perficiendi dexteritatem, quam in maximis quibuscumque difficultatibus Dux Adriæ XIII. FRANCISCUS II. palam omnibus manifestavit? Postquam autem totius Italiæ Hispaniæque gemitu JOSEPHI Aquavivi ad Philippum IV. Regem Apostolici Legati obitus exauditus fuit, optime consultum rebus suis adventu Romam OCTAVII Germani Fratris Romana Ecclesia intellexit. Neque diu hæsitavit Pontifex Urbanus VIII. post conditum Ecclesiæ imperium facile Princeps, sibi eum consiliorum suorum participem adsciscere. Cum vero non multo post sub consultissimo Pontifice Innocentio X. varios magistratus, ac judicia exercuisset, sapientissime factum esse Duci Petri Patrimonio præfectum iri omnes judicarunt. Quo quidem in munere obeundo operam non mediocrem dedit, ut non solum Ecclesiæ imperium, majestasque facta tecta conservaretur, verum etiam, ut ejusdem jura non minus e tenebris vetustatis, quam à luce quadam novæ libertatis oppressa vindicarentur. Non dicam jam an pietas major OCTAVII, an auctoritas, an virtus, an consilium. Illam vero gravitatis, severitatisque personam non appetivit, sed ab Ecclesia sibi impositam sustinuit; sicut illius im-

pe:

perii dignitas in summo quandoque periculo postulavit. Urbem Veterem appello, in quam moderator ipse in turbulentissimis Romani principatus tempestatibus transmissus, quæ animi præsentia potentissimis Principibus aditum prohibuerit, vires disjecerit, minas omnes propulsaverit. Quod si tum, cum in electione Romani Pontificis convenit, illius constantiæ robur admiramur, quo sese libertatis perturbatoribus opposuerit, quæ vim, & severitatem illam desiderabant, tam vehemens fuit, quam cogeatur. Dum vero in Flaminia Apostolica Legatione fungeretur, factius duxit sapientissimus Pontifex Alexander VII. Cardinalem OCTAVIUM eligere, quo Regina Suetiæ Romam ex penitissimis septentrionis finibus tendens, Pontificis nomine magnificentissime exciperetur. Et quem plane non delectarunt magnifici apparatus, omnesque cultus Regia prorsus elegantia, & copia instructi? Illa vero rerum maximarum cum animi ampla quadam, splendidaque propositione agitatio, atque administratio, quæ non probatur in vulgus, tantopere placuit Reginæ, ut opinio illa, quæ per animos gentium exterarum de Italicorum populorum cultu pervaserat, magis magisque in eorum animis fuerit confirmata.

Et ut JOSIAM III. Adriæque Ducem XIV. reticeamus, Quod autem nomen in Europa clarius

rius fuit **JOHANNES HIERONYMUS XV. ADRIÆ DUCES** ?
 cujus res gestæ pares ? De quo homine, tanta, ac
 tam præclara judicia facta sunt ? An vero ullam
 usquam esse oram putamus, quo non hujus Ducis
 fama pervaserit ? Cum Hispaniæ universæ Regis
 ipsius auctoritate unum sibi ad communem omnium
 salutem depoposcerint, nonne hujus adventus, aut
 in Hispaniis, aut in Italia, aut in Africa ipsa in-
 solita inflammatos victoria exercitus continuit,
 & magnis copiis minitantes cæteris retardavit ?

Quæ cum ita sint, quis unquam dubitabit, quid
 virtute patria profecerit, totius gentis suæ lumen
 splendissimum **ADRIÆ DUX XVI. INTERAMNIÆQUE**
PRINCEPS X. DOMINICUS AQUAVIVA, qui tantum
 usque adeo profecit, aut quam facile a vitam ma-
 jorum suorum gloriam amplificaturus sit, qui solo
 suo nomine, ac rumore defenderit. numquid
 forte ignoravit iis exemplorum luminibus uti, ut
 voluptatibus tantum, otioque delectetur, ut di-
 versis aliunde rebus distinetur, ut unam gentem
 armis petat, de cæteris non cogitet ? Imo cogi-
 tationes suas omnes ad bella omnia convertit. Eo
 Duce delectus habiti, multorumque bellorum vi-
 ctoriis nobiles milites adscripti, bellicus unde-
 quaque apparatus ingens instructus. Et ne de
 mente ejus animoque dubitemus, jam tentavit
 Insulas, jam in Sardiniam, ac Siciliam exercitus
 exposuit, jam munitiones proximas cepit, disje-

G cit

cit; jam præcipuis illic Urbibus imminebat, jam in aciem incredibili virtute descendit. Mox in Hispanias revocatus, in Mauritaniam transfretavit, Septamque gravissimo Maurorum exercitu oppugnatam tutatus est. Multas equidem maximorum Ducum virtutes magnas, incredibilescque cognovimus, castris locum capere, exercitum instruere, expugnare Urbes, aciem hostium profligare. Sed hujus Principis sunt majoribus quasi theatris propositæ, ac profus singulares. Non dicam autem vim illam frigorum hyememque, quam nos vix Urbis tectis substinemus, excipere, illis ipsis diebus hostem persequi, tum, cum etiam feræ latibulis se tegant, atque omnia bella jure gentium conquiescant. sunt ea quidem maxima quis neget? Sed magnis excitata præmiis ad memoriam hominum sempiternam. Quo minus mirandum sit ea facere Duces eximios, qui immortalitatem concupiscunt. Verum talis in Rempublicam, Regemque suum labor, assiduitas, dimicatio, virtus digna summo imperatore, constantia pro periculis, aliaque innumera, cum præmia quidem non fuerint in ejus animo qui adeptus est, sed in ejus potius, qui Regia plane munificentia largitus, hæc profecto, non modo mirabilia sunt, sed prodigiis similia. Quamquam enim in summa fortunarum Princeps natus, relictis rebus suis omnibus in cunctis bellis verseretur, nullius la-

bo-

boris , nullius obfessionis , nullius prælii expertem fuiſſe, hæc ſunt omnia cum plena laudis, tum propria gentis Aquavivæ . Et ſi in cæteris bellorum Imperatoribus major fuerit ubertas , varietas , copia belligerandi , nulla tamen tam vehemens cauſa verſata eſt in aliis, ut tantum ipſe impertire ſtudio temporis potuerit , quantum ab adoleſcentia ipſa uſque ad hanc ætatem à continuis bellis , & victoriis nunquam conquieverit .

Hinc poſſumus recte conſtituere hanc auctoritatem gentis ſuæ multis poſtea clariffimi Cardinalis FRANCISCI Aquavivi rebus geſtis, magniſque facinoribus amplificatam, quantum apud Hiſpaniæ Regem , quantum apud exterarum nationes valuiſſe opinemur . Itaque non ſum dicturus quantas ille res , quantaque felicitate geſſerit . Quid enim ego nunc prædicem, quod in hoc tam magnifico genere dicendi ſummis viris maxime applaudatur ? Ex vobis Quirites potiſſimum quaero , quorum ante oculos eximia tanti Principis geſta , nunc quoque obverſantur . O nationes , Urbes , populi , Reges teſtes Aquavivi huius Principis virtutis non ſolum in privatis , ſed publicis etiam religionis , fidei , pacis , belliſque artibus ; vos denique mutæ regiones imploro , & ſola terrarum ultimarum vos maria, Nationeſque . Quæ eſt enim ora , quæ fides , qui locus , quæ natio tam immanis , & barbara , in quam non ſo-

lum penetraverint, verum etiam extent, hujus cum fortitudinis, tum vero humanitatis, tum animi, tum consilii impressa vestigia? Hunc quisquam incredibili quadam atque inaudita gravitate, virtute, constantia præditum, cum vel Hispaniarum Regis negotia Romæ administraret, Ecclesiastica fortasse fœdera neglexisse, violasse, rupisse dicere audebit? Et nonne potius mirabili quadam cognatione, & Sacerdotium cum Imperio devinxisse? quasi vero levius sit, cum in tanta Republica versaretur, & summis negotiis præesset facere aliquid, quod sciret non licere, aut omnino nescire quid liceat. Nemo profecto ne suspicari quidem ausus est, sed cum immatura mors in eo tantummodo extinxisset invidiam, res ejus gestæ adhuc sempiterni nominis gloria nituntur.

Cæteros autem pari dignitate ornatos, custodes, gubernatoresque Regnorum, quorum in universa Italia, longe maxima consilia, atque ingenia fuerunt, quomodo prædicemus? Quid de illis honestissimis Principibus, atque optimis Equitibus dicemus, qui una cum Regum suorum armis publicam tranquillitatem foverunt? Quid de cæterorum ordinum omnium summis præfidiis, qui pro Patriæ suæ incolumitate tum arma cæperunt, cum felicissime triumpharunt? Quid de Ecclesiasticæ Hierarchiæ omnis ordinis acerrimis propu-

pugnatoribus ? magna hæc , quæ lubens , sciensque prætereo , sed ad majora festinat oratio. Infinito enim prope annorum spatio Italiæ gens hæc poenitus infixæ , atque e Patriæ suæ laribus , dominationeque nunquam egressa , quid ostendit aliud , quid significat , nisi peculiari quadam animi moderatione eruditam , atque informatam , satius duxisse perfrui suis , quam alienis rebus per vim injuriamque imperare. Si enim oculos ad ea , quæ nota sunt , historiarum monumenta convertamus , mirari profecto desinemus , cur Principes , Populique quam plurimi licet immensorum imperiorum , & cupidi , & compotes , sponte tamen multa dimittere , quam retinendis iis universa incommodius regere maluerint .

Augustus certe magnus Imperator cum multas præterea gentes adjudicare Romanis Provinciis , nullo ferme negotio posset , non modo ab iis subigendis abstinuit , sed etiam moriens consilium , ut Tacitus animadvertit , coercendi intra terminos imperii reliquit successoribus. Hadrianus etiam acer , & doctus Cæsar tres Provincias nobiles Armeniam , Mesopotamiam , Assyriam , Persarum concessit imperio , & , ut Spartianus contendit , omnia trans Euphraten , & Tygrim , quæ Trajanus maximo labore , multisque expeditionibus ad Indum usque flumen domuerat , reliquit , exemplo , ut aiebat Catonis ,

G 3

qui

qui Macedonas liberos pronunciavit, quod diu tute teneri non poterant. Etiam Diocletianus Princeps, & ipse gloriæ avidus imperii fines à meridie supra Ægyptum coarctavit. Quæ quidem res tot, tamque longe diffitos populos non sacris conjunctos, non lingua, non moribus hanc in animorum, studiorumque societatem contraxit, ut sola utilitatis, & securitatis ratione sibi proposita cætera omnia posthabuerint. Augustius certe, sed felicius regnare voluerint; cum commodius existimassent dimitti quid quid, aut retentum plus invidiæ, quam virium adferret, aut vacillans difficultatibus, periculisque plurimis Dominos suos involuerent, aut avulsum, & dedecus ingens inferret, & vulnus inconsolabile. Hinc qui ad explendam titulorum, opumque incredibilem sitim naturæ leges, & fas hominum conculcare penſi nihil habuerunt, ii profecto moderationem omnem, & per fastidium averſati sunt, aut contemptu eluserunt, aut præ solita rabie, fortassis etiam ira, odio, postremo sua illa immanitate proſecuti sunt, sæpe etiam in apertum malorum discrimen pristina splendoris ornamenta detruserunt.

Longe alia mihi nunc oratio contigit, de maximis æque Principibus, eoque animo eruditissimè verba faciendi, apud quos minime timendum fuit, ne locum crudeles istæ, & ab omni æquitate ab-

hor-

horrentes sententiæ repertæ sint. Quod enim fretum, quem euripum tot motus, tantas, ac tam varias habere putamus agitationes fluctuum, quantas perturbationes, & quantos æstus habuit omni sane tempestate genus AQUAVIVUM. Fortissimos equidem, ac singulari animi moderatione præditos eos Principes judicare debemus, qui remoti à studiis ambitionis, atque effræna impetrandi cupiditate alieni, nunquam veræ virtutis nomen deseruerint, & in tanto maximarum rerum discrimine, tanto, ac tam vario dominationis jure præ oculis semper publicam utilitatem Regium splendorem, & subditorum suorum incolumitatem habuerint. Ita equidem existimo, & mecum sentiunt omnes. Novimus enim genus Aquavivum, studia quoque generis, familiæ virtutis, humanitatis, cum plurimarum artium, atque optimarum doctrina composita; nota cunctis sunt omnia. Novimus etiam Te Princeps DOMINICE, PATREMQUE tuum, num magis carere his omnibus insignium, atque feudorum splendorebus volueritis, quam fæda illa dignitatis nota teneri. Neque enim licuit aliter vestro generi, ut quibus rebus gloriemini in vobis, easdem in aliis reprehenderitis. Hinc plane nemo mirari debet humana consilia divina necessitate esse superata, ut in ea celsissima sede dignitatis omni sane ævo gens vestra fuerit collocata. Quid enim Re-

Reges plerique cum hac familia egerunt, nisi ut ejusdem decus tuerentur, & dignitatem? Quid? Dum unanimi populorum omnium consensione, tam domesticorum, quam externorum recole-retur. Quod cum Principes, privatique omnes in ea omnia ornamenta expressissent, tum ipse Rex Ladislaus plurima, & maxima. Quæ si hono-rum significationes cæterorum laudibus obscu-ritatem attulerunt, nova profecto dignitas ab ipso Ladislao Rege celeberrimo ANTONIO I. Aqua-vivo commendata exterorum omnium Europæ Principum insignia facile superavit. Eo enim fa-ctum est, ut primum ipsa in Italia gens AQUAVI-VA Ducis titulo decoraretur, isque primatus su-pra cæteros alios publica Regum omnium aucto-ritate perpetuo decerneretur.

Quod si quem ejusmodi fortasse reperie-mus, qui cum parem aliorum dignitatem com-mendare velit, primum etiam in Italia aliis Prin-cipibus tributam censeat, quam Aquaviva gens eam præferret, quæso jam judicetur, ut re-perispecta temere conceptam opinionem tandem aliquando incipiam deponere. Si vero talem ali-quem, nequidquam invenerimus, nolint jam nebulones, reliquæ publicæ pestes, ac sordes amplius deblaterare, aut imperitorum vanis vo-cibus, sed judicio, testimonioque sapientissimo-rum acquiescere.

Ita-

Itaque , quod de commemorandis tantæ familiæ splendoribus suscepi , nollem sic accipiendum , ut quanta illa omnino fuerit , quibus ingenii , animique virtutibus , quibus corporis dotibus effluerit , quam in consultando sagax , in exequendo felicissima , quæ pro regni sui negotiis pericula , quos labores sustinuerit , quæque ex iis præmia , quos honores excæperit , expositurum esse quisquam arbitretur . Sed ut ex immenso prorsus insignium cumulo tantum a me delibari patiatur , quantum patria ipsa traditio , & scriptorum monumenta in ea tot vetustissimorum temporum caligine colligere valuerint . Non enim modo neminem in Europa conspicio , quin virtutes , gloriamque Aquavivi nominis , & teneat præclare , & assidue veneretur . Sed etiam si fieri potuisset , ut quis ex remotissimis terrarum orbis partibus in Italiam advectus rebus aliis interveniret , is tamen ipse eum in perspicendis gentis Italicæ insignibus , incomparabilem illam dignitate numeroque frequentiam egregiorum facinorum AQUAVIVÆ familiæ offendisset , nullo plane negotio conjiceret , eam vel Principem inter cæteras alias locum jure , ac merito obtinuisse .

Quæ cum ita sint , quid de tantorum Principum fama futurum erit ? Ita ne vero , cum in tantis laboribus , tantisque periculis gens hæc ver-

versata sit, tam redundantem ubique gloriæ copiam reliquerit, si nihil longius, quam vitæ termini postulant, spe atque animo de se, & memoria sua cogitasset, omnia sua secum una moritura arbitraretur. Non ita esse profecto confidimus, nec quisquam in tanto splendore, laude, ac virtute versatos Principes admiratur, quin immortalitatis gloriam auguretur. Itaque cum multis aliis de causis egregiorum virorum mentes divino quodam numine ducantur, tum maxime, quod optimi, & sapientissimi cujusque animus ita præsentit in posterum, ut nihil nisi sempiternum spectare videatur. Exiguum nobis vitæ curriculum natura circumscripsit; immensum vero gloriæ. Quare cum singulos clarissimæ hujus familiæ Principes nulla unquam priscorum temporum injuria oblitteraverit, nulla barbararum gentium immanitas depresserit, sed omnis ævi, omnium populorum memoria illustraverit, unum porro reliquum videtur, ut tot, tam variis, tamque eximiis omnium gentium gratulationibus, posterorum quoque æterna propagatio perfruatur.

FINIS.



